

晚晴籟詩匯

第三  
四册

晚晴移詩匯卷八十七目錄

佟應一首

常裕一首

惠敏一首

金良二首

查善和二首

曹昕三首

趙思一首

牛克敬一首

官去矜一首

余鵬一首

李本棧二首

錢廷文二首

呂公溥一首

楊維棟一首

劉漂一首

賈澤洛四首

朱瑤一首

秦知城二首

祁琳一首

毛啟鳳一首

陳一策二首

徐光義一首

徐光美 一首

陸曾蕃 一首

劉文煒 二首

柴才 一首

鄭炎 二首

葉菁 一首

蔡環黼 二首

錢源來 二首

浦鏗 二首

吳燦文 五首

劉文蔚 二首

張綦母 二首

宋景關 一首

魏舒 二首

樓錡 三首

姜宸熙 二首

張世昌 二首

張世仁 二首

王德溥 六首

施學韓 一首

丁維時 二首

陸建 四首

張雲錦 一首

蔡忠立 二首

汪大經 二首

何經愉 三首

李旦華 二首

鄧裴 一首

張舟 二首

劉士俊 一首

謝本量 二首

李能哲 一首

胡木榮 一首

孫煦 三首

張九琮 二首

廖國恩 二首

羅天閻 三首

吳登鴻 六首

吳炯 一首

崔宏楸 二首

王敬禧 二首

陳士杜 一首

許儒龍 四首



晚晴移詩匯卷八十七

徐世昌

佟應字仲感滿洲旗人有桔槔集

贈陳雨亭

路上逢君一慨然短衣破帽向人前昔時曾記南樓話勸  
汝歸耕北郭田四海論交誰納履十年謀道可忘筌空思  
閉戶終難得僕僕風塵好自憐

常裕字德淵滿洲旗人有綠雪堂詩藁

游大慧寺

何處風鈴急松陰見敗牆塵封禪舍冷草長戒臺荒有鳥  
鳴清晝無僧話夕陽斷碑餘字在捫讀一淒涼

惠敏字敬庵滿洲旗人有清籟閣詩草

題自畫山水

好山久不見如與故人違  
追寫清宵夢深局破板扉意隨  
流水遠神逐白雲飛  
此地宜居我沙頭添釣磯

金良字墨池滿洲旗人有歸卧集

同傅慕庵游萬壽寺

流水西郊路誰尋淨域游我思偕賈島君  
意及湯休山小  
行來曲松高坐處幽斜陽說半偈紅葉寺門秋

聞雁

客裏挑鐙正苦吟無端天外寄愁心  
霜橫北地秋先老月  
滿南樓夜已深遠戍幾時吹畫角孤村鎮日響清砧  
未知  
爪迹留何處雪後沙邊細細尋

查善和字用咸號東軒宛平人有東軒詩草

早春攜鶴兒出郊

疲馬單裘出郭門，繞隄得得又前村。  
官卑春草欺袍色，年長秋霜上鬢痕。  
老僕攜茶行躑躅，稚兒索果語溫存。  
繁華易惹青年恨，風雪荒寒黯客魂。

雨聲

輕陰細雨作新涼，點滴閒階引興長。  
準擬明年北窗下，綠蕉斜種兩三行。

曹昕字暘谷號綺莊景州人有中田閒吟

同申仙居游安陵禪院贈月五上人

衛河迴岸午鐘沈，福地清幽試共尋。  
一徑莓苔迎客淨，四時花木掩關深。  
輕帆自幻風前影，逝水難留定後心。  
欲向已公參半偈，蕭蕭松際已潮音。



春日雜感

渴鳥啄冰冰盡開飛飛爭喚好春來誰人爲憶孤山鶴獨  
喚東風怨落梅

早暮惟聞鳥雀喧小桃紅蒂已銜殘庭前欲探春消息二  
十四番風盡寒

趙思字五疇號補堂鹽山人諸生有唼浦集

餞郝坦中北歸

揮手送君去孤舟一水輕野花分早暮山氣辨陰晴別路  
應呼酒殘春自聽鶯布帆無恙在安穩到高城

牛克敬字聚堂天津人諸生有眠雲山人詩藁

溪居

潺潺溪水繞柴扉略與塵寰機事違孤鷺自沈紅日遠片

帆遙指白雲歸夏畦兩足閒農少野寺無僧晚磬稀只有  
釣翁明月下十千沽酒錦鱗肥

官去矜字伯申高密人有守坡居士集

詩話伯申爲怡雲方伯爾勸子早從遠宦留滇黔最  
久其弟度來嘗官嘉興同知伯申奉方伯就養禾中  
故集中與錢文  
端唱和甚多

重過倪高士徵九池館淹留竟日時主人在西山未  
歸

記來長坂被秋蘭風磴依然苔蘚癢傍母眠鳧沿略約將  
雛語燕上闌干碧梧又驗三年閏青竹微增六月寒更愛  
殷勤留客意一時檐溜作驚湍

余鴟字賓鳳歷城人

望江樓獨眺

萬里長江百尺樓，遠天縹緲望中收。  
煙邊曉市依山集，雨後春潮入郭流。  
楚塞風濤千里壯，秦淮金粉六朝留。  
登臨無限滄桑感，滿目荒涼古石頭。

李本樸字公度，號幼李，惠民人。諸生有得朋樓詩。

衢州經先文襄公故壘

故壘經行按舊圖，功高耿鄧想宏謨。  
長驅敢死三千士，大捷先書廿八都。  
刀劍於今變牛犢，穴巢終古絕狼貍。  
後人枉說書能讀，愧煞龍鍾作腐儒。

嚴州

芊綿春草合竹外，發寒梅山勢依。  
城轉江流抱郭開，澹煙羣鳥去微雨。  
一帆來迴望嚴陵，灑清風滿釣臺。

錢廷文字樸，安號柳圃，淮甯人。貢生有柳圃集。

寄醇民先生

茂樹有高枝清絃無細響素交見生平曾不爲標榜自我  
與夫子幽巷通來往散髮坐茅亭信宿得心賞清梵激松  
風禪寺鄰書幌主客共藜羹閔子過周黨尺素隔層城煙  
月勞夢想嗟我倦游人十年在草莽書劍局高天壯軀空  
慨慷何處豁塵心溪流曬漁網

移家就熙顯宅

頭白逢茲歲家貧少定居我行非得已天意竟何如曉日  
空囊外秋風卧病餘不堪回眺處煙水滿寒墟

呂公溥字仁原號寸田河南新安人有寸田詩集

詩話呂氏自司農光祿二公以詩名松坪力園承之  
寸田爲待孫子仰繩餘緒不懈而及於古足爲後勁

宿鐵門

烏鳥巢深枝游子走長路一鳴桃花開再鳴春山暮茅舍  
多行客誰不樂歡聚夜短夢偏長夢裏還家去纔游何便  
歸欲語聲吞吐窗外雞聲來天邊雁聲度雞喜報晨昏雁  
飛知何處

楊維棟字山夫襄陵人諸生有在山吟

深秋

深秋白露垂涼風砭余肌布袍縫旋綻游子待授衣側聞  
茅簷下夜窗理殘機癡夢歸鄉郡單身投柴扉飢寒呼父  
母涕洟如嬰兒悲聲驚夢覺依稀有烏嘸

劉澆字澹齋臨汾人貢生有南園倡和集

偕友人登虎山觀音堆眺望

虎山春暝共攀躋飛步凌空下望迷城郭萬家無近遠煙

雲幾處互高低藐姑疑接神人蹟僧寺來尋舊日題安得  
脫然游物外不教塵世日栖栖

賈澤洛字衡泉一字書原臨汾人監生有雲溪詩草

詩話書原家貧蕭然自得少從父宦游父歿鬻己屋  
代兄償逋而質廬以居縣令洪午瑋聞其名造廬躬  
訪與結詩社提倡  
風雅學者宗之

平臺望雪和家東滄兄韻

平臺景物倏皚皚一片軍聲襲蔡回舞絮飛花千萬樹淺  
斟低唱兩三杯關河歧徑人難覓村舍寒煙戶半開最是  
詩人幽興極疲驢破帽出城來

秋山

絕巘飛雲葉回峯挂薜蘿日光寒照淺猿嘯夜聞多樵徑  
沿溪入蓬門向晚過雞豚秋正美朝市興如何

秋原

驅車登隴首秋望興悠然禾黍分殘雨村墟淡野煙鐘聲  
出古寺雁影下長天更欲尋摩詰猶堪畫朝川

擬陸放翁閒中富貴

限二冬韻

貪眠常是卧高春炊米無煩論釜鍾蘇陸詩篇新活計江  
湖散客舊崇封在庭花草隨幽興出郭雲山仗短筇六十  
已過七十近老翁豈合慕夔龍

朱瑤字崑英一字樂天汾陽人諸生有螢窗草堂詩集

靜坐

靜裏攤書坐幽然蓬島間松深眠鶴穩壁峭卧雲閒倚枕  
聽流水開窗看遠山煙霞容我老塵念頓無關

秦知域字周叔號薇郎曲沃人諸生有薇郎集

蘆花

浪得花名久蕭蕭白鷺洲叢深綠近水幹弱易成秋明月  
寒漁戶江風拂客舟無須歎搖落猶足代薪樵

姑射山訪神居洞

秀氣結壺口姑射闕仙境著屐訪神居絡繹延清景雨後  
嵐欲滴積翠撩人冷松蔭接藤纏飛泉散碧嶺仙禽時一  
聲寂寂四山靜半日幽閒趣頓覺浮生永鹿女還金闕蓮  
花開玉井澄潭水一泓上下光耿耿杖策尋南洞肅將衣  
裳整擬拜綽約子不見冰雪影斫芝更劓苓雲深隔幾頃  
顛誦南華篇肩吾笑夙秉蕭蕭滿林秋日暮風濤警恐是  
御龍歸悠然長引領

祁琳字景純咸甯人有芳茵園詩集



杜曲

杜曲回看十里霞杏花村裏酒帘斜漫誇尺五風流地已  
屬城南處士家

毛啟鳳字鳴周狄道人諸生有愛菊堂詩草

春日

梅梢月上影重重春暝貪眠意更慵倚枕不知天漸曉忽  
聞山寺數聲鐘

陳一策字爾忱晉江人諸生有香雪齋集

五夜

五夜入孤村冒寒人語少雞鳴兩三聲殘月挂林表

訪友

草堂新築傍苔磯城郭風塵到此稀背閃夕陽雙鳥沒屐

黏晴雪一僧歸石橋水色虛搖檻板屋梅花亂撲扉今日  
似游人境外與君相對欲忘機

徐光義字俠君建甯人有宜壑詩鈔

與僧約游南山

老僧爲說南山勝笑指諸峯迴不羣會待秋高殘暑退芒  
鞋同踏萬重雲

徐光美字西碩建甯人有隰蒼詩鈔

題摩詰詩後

脫盡言筌應屬註一編酷愛輞川詩幽篁琴韻太清絕想  
見深林月照時

陸曾蕃字用庶號蔗村錢塘人有蔗村遺藁

秋雨

地賦彙言圖卷之十一  
積雨苔痕綠西風客舍寒疏花垂短砌溼鳥坐雕闌貧賤  
依人老關山行路難感時空洗句愁絕鏡中看

劉文煒字青耜仁和人諸生

丁松生曰青耜性孤迥爲文奇崛排奐不諧於時家  
故豐後中落以授徒爲生計既而患疴廩問疾者至  
則於卧榻上談詩文尙媿  
媿不倦卒年三十有八

秋日湖上

蓴絲牽碧滿湖浮漠漠寒煙望裏收十里枯荷雙鷺雨兩  
隄衰柳一蟬秋白雲鐘斷僧歸寺黃葉詩成客倚樓猶有  
留人餘興在數聲短笛起漁舟

山樓除夕

一身秋蝶抱寒花卅載時光赴壑蛇樽酒鐙前都是客溪  
山夢裏暫還家滴殘午漏闌年雨迎得春風半夜花寂寂

擁衾無穩睡靜聽窗外噪林鴉

柴才字次山錢塘人有百一山房集唐詩

詩話次山集唐詩凡三刻其子杰臨川繼之詩必有  
序亦集唐人組織頗爲工繳搜羅之廣屬對之精不  
速唐堂香屑然橋先  
梓後亦自成一家言

山行

二月二十二

李商

乘輿入幽棲

宋之

靄靄浮元氣劉公依

依識故蹊

李

方春平仲綠

沈佺

終日子規嗶杜路溼雲初

上盧

巖高日易低

張子

泉聲喧暗竹

皇甫

陂影墮晴霓杜

無異登元圃

沈佺

何煩過虎溪

李

正堪流野日處長愛覓

分題李建

斗酒弗爲薄

李

山茶又更攜

顏

游絲橫惹樹照

鄰去燕旋遺泥

楊

斷石荒林外

張

千鐙花塔西陸海共知仙

女麗

馬

莫學阮郎迷

李

一路經行處

劉

清風獨杖藜杜

鄭炎原名源字清渠秀水人諸生有雪杖山人集

王楊甫曰山人詩出入於昌山谷山奇詭幻不可方物去  
於生奧當其得意往往輪因離奇詭幻不可方物去  
人絕遠宜乎世之相與狂山人山  
人亦庶幾克副其名而無愧也已  
詩話清渠爲誠齋贊善從兄時擇石穀原拓坡諸家  
皆以辭必己出相尙清渠與同里問乃欲別闢蹊徑  
力求自異其偶感絕句有日恨不生逢李謫仙招呼  
謝眺立山巔小窗亦有驚人句寄語知音莫復傳麤  
麤度歲又經春看到梅花惱殺人心血爲他消耗盡  
尙嫌筆上有纖塵蓋自道甘苦語詩後附其大父子  
詔友陶居士集父不羣秦濤居士集  
用山谷附依檀晦庵附韋齊例也

題老檜

樹頭亦有堪題處半在疏疏落落中今日畫成晴葉響不  
關鳥踏不關風

惶恐灘

一朶文山淚溶成惶恐灘十年詩在口今夜月同看舊水

流新恨驚風激怒湍浪高三百丈不見石峯攢

常山旅次聞笛

誰家幽怨入新篁客枕酸聲夢苦長四月梅花何處落半  
隄楊柳此宵涼愁深直恐青山裂韻冷遙憐玉指香一自  
李暮偷譜後便隨鈴雨怨三郎

葉菁字咸山號幹亭錢塘人貢生有也園詩草

春思

百卉爭妍日陽和播鳥聲綠鋪階草輒翠貼沼荷平明月  
梨花夢春風楊柳情何人吹玉笛春思滿江城

蔡環繡字拱其又字澹無號漫叟德清人貢生官仙居

訓導有細萬齋集

詩話漫叟嘗應召試拜文綺之賜又嘗入都與千叟  
宴彭文勤督浙學漫叟試詞賦文勤一見擊節然終

不遇自題詩稟云詩卷深愁錦繡肝推敲未敢信吟  
安人間不復存知己自倚寒窗掩淚看斂平生偃蹇  
之悲而深後世蒼茫  
之訖何其言之哀也

天聖寺壁管夫人畫竹

琉璃寶地清于玉掩映檀欒數科竹乍道尋香蔭荀林忽  
疑駐屐篔簹谷聞昔名閨管道昇唱隨琴瑟住吳興奩中  
翰藻文人似腕下丹青哲匠能玉湖晴彩流香陌鐘磬無  
聲梵王宅鹿苑閒停金犢車龍宮新墜銀泥壁天女持花  
散道場徘徊揄狄興逾長隨身自有珊瑚架侍婢還攜翡  
翠牀淨土無塵更瑩拭寺中終歲無纖塵殿上額曰古無塵殿銅臺硯發淋  
漓墨攘腕經時閣筆看錯刀葉葉生鮮碧東竿寫罷又西  
筠雨箨風梢骨力均妙真兼勝蘇居士變化能無梅道人  
貝樹祇林共終古一片蒼煙滿庭廡琅玕影外石玲瓏殘

瀋曾傳松雪補今古帷房第一儔  
晶宮舉世足風流  
仲姬應惜龍孫節  
寫向空門特地愁

洞霄宮

秋氣清可娛幽巖滌襟腑

薛應旂大滌山志此山清幽可洗滌塵心故曰大滌

夕陽

催客行歸栖得洞府人意近上皇  
山境入太古摘菜蘭蕙叢  
翦荀瓊玕鳴世味不到山  
芳菰香徹釜涼月侵卧內  
搗藥聞禽語曾食仙鼎  
丹常年于此處夜則鳴丁  
當晝乃晦毛羽山有搗藥鳥其鳴聲曰吉丁當夜鳴樹  
彷彿青雲人問晝不可見相傳食仙鼎餘粒者也  
文采不自詡忽焉谷風號如潮  
湧江浦窗櫺影動搖知有林中  
虎云昔晉郭文乘騎不相忤  
不同城市中見者羅患苦俄聽  
金竹垓曙色聲鐘鼓起尋無骨  
箬微霜白平圃吾願此終焉不  
必鸞鶴伍何爲山中人翻思游  
遠所



維宋設宮觀有使有提舉其制雖戾經養賢豐祿糈所以殿閣臣引疾自華廡南渡建炎中內祠比京府洞霄典物隆主者皆宰輔牧心作志書惜未僂指數後遂弗深考漫列朱子主校官祀春秋徒然薦遵俎遺獻竟久湮靡文此進俯往者竹垞翁繙史詳爲譜姓名及爵里因年分次序百一十四人歷歷可披簿其中多名流遺徽映巖戶應據曝書亭作爲鄧志補否且鉞諸木懸諸兩庭廡庶幾垂不刊來者目共睹毋虛道院游於是可道古

錢源來字清許號槐庭嘉善人諸生有攬雲軒詩鈔

詩話槐庭生秉異資家富藏書終歲鏡戶手一編不輟沈歸思謂其詩取材淹雅一歸繩墨融融樂易煥然如春蓋詩品中之正者顧拙於書而書甚速終食頃可萬字槎枒糾結倉卒不辨楷書亦多不可識或諷之稍緩俾可辨晰槐庭曰我腕有鬼不能休息也

山房聽琴

不識琴中音但愛琴中趣  
古曲盪煩聲元音淡塵慮  
山房春寂寥曲澗寒泉注  
泠泠水石間幽人自相語

訪梅道人塔步陳燭門師韻

賣卜胥塘便作家至今高致拂雲霞  
詩傳畫裏千竿竹易在枝頭數點花  
煙老秋庭籠古椽雨添春水薦新茶  
徘徊不覺寒林晚獨對西風數暮鴉

浦鏗字金堂一字聲之號秋稼嘉善人諸生有清建閣

集

詩話秋稼好古窮經不應鄉舉著十三經注疏正說  
闕十二年而成得八十一卷見者稱其兼綜條貫抉  
微糾繆功不在陸德明下沈椒園錄副藏之又著雙  
聲疊韻譜曾一示其友周篋谷旋攜所著入都假館  
紀文達家文達爲入粟作國子生使應京兆試一夕  
赴友人飲大醉跳舞作獅子吼卧於地座客大笑久

之無聲若熟睡者視之則已惘然化  
去迨旅櫬南歸襪被之外無所有矣

同董愚溪探梅鄧尉夜宿萬峯禪院

艤舟虎山橋探梅入鄧尉綠疇如掌平相攜踏寒翠野水  
略約橫古柏羅陰隘龍鬪與虬翔險怪非人意平臺何岩  
岩煙煨迷花氣如入眾香國令我心神醉迤邐復前行林  
蘿轉蔽翳長風振喬柯泠泠淨襟袂殿角露山腰卽之路  
轉昧僧雛出翠微引入山中寺晚飯飽嘉蔬軒窗豁遠皆  
曠望極高深鬱泱蕩胸次嗒焉我喪我塵心了無自禪榻  
茶話清松月照無寐

登東山

東山古名勝飛策上雲關碧蘚揉紅雨青蘿擁翠環峯陰  
春木潤日落晚山般屐齒曾游處風流許共攀

吳煥文字樸存一字樸庭浙江山陰人諸生有樸庭詩  
藁

投壺歌

珍珠紅滴銀絲落當簾細雨紛簾箔主人無語客斟歡哨  
壺枉矢相爲樂司射進度前致詞二矢以半實間之順投  
爲入比不釋從馬釋算無差池平空矢落琤琤響四座無  
爭齊拍掌計籌浮白安足辭勝固爲歡敗亦爽倚竿帶劍  
真騰超就中尤妙蓮花驍殿上舍人善激越軍中名將能  
逍遙古人尙德不尙巧射禮投壺本同調專精一技通神  
明天帝開顏亦爲笑彈碁公子妙角巾蹴鞠之戲徒勞人  
魯鼓薛鼓詩可補咽咽催出壺中春

徐青藤舊宅

古藤高百尺曠世憶初栽著土皆奇幹斯人本逸才龍蛇  
居粉壁風雨養蒼苔彷彿臨江宅誅茅動客哀

曲陽孫晴崖明府掘地得晉王李克用手書安天廟

題名碑

陰風撼樹飄靈旗山鬼吹火燒叢祠沙觜崩塌露圭角榮  
光下閃埋豐碑孫君嗜古負奇癖倚撫金石靡孑遺石鼓  
遙辨趨雙字金薤高嬾窺軻詞栽花曲陽有餘暇命工掘  
地乃得之剡泥剔蘚見古刻傳自唐末僖宗時隴西郡王  
忠且勇中山告急親援師道經神廟躬禱饗凱旋賽神神  
格思司空偕行名忝附大書勒石盤蛟螭歐九作紀軼此  
事不學合受原父嗤有唐晚葉事百戰文人失職悲流離  
鷓張鯨突鳳凰死文筆亦復歸鷓兒昭陵玉匣那可得韓

陵片石逾瓊瑰依稀顏筋并柳骨孫君寶此勿復疑嗚呼  
孫君寶此勿復疑屹立直退千熊羆

廬山白衣洞謁朱子祠

南渡儒林傳先生第一人空山尙祠字衆口枉緇磷紅鶴  
有時去青松終古春匡廬初識面惟覺此間真

過安肅有感

商盤曰邑爲樸  
庭尊甫舊治

鴻泥覓徧總微茫如夢如癡柳數行一夜城烏頭易白將  
雛飛過浣衣塘

劉文蔚字伊重又字豹君號柑亭浙江山陰人貢生有  
石驪山人詩集

題萬里壯游圖爲吳九洛宗作

人生底合家鄉住苦恨年年事章句閉門但作候蟲吟束

身已受書城錮千古英雄重壯游萬里關河倏來去挂席  
方乘赤鯉風跨鞍直達黃龍戍偉業多從騷裏成壯懷那  
怕支祁怒濮陽公子真人豪胸中兵甲饒戎韜騰崖越壘  
望滄海已覺談笑無連鰲雪花撲面大於掌同雲黯黯連  
洪濤獠奴走逐寒起粟游興轉共冰山高嗚呼人生貴適  
意安能瑟縮同蟻螬燕公詩得江山助坡老文從海外超  
手持一編箬跬步何如六幕窮周遭披圖我亦思遐舉擬  
負長劍同游遨

感舊

最難忘處粵王臺榕樹陰中一棹迴鯉浪白浮番舶遠佛  
桑紅壓戍樓開天涯豈爲探奇到海角原非採藥來曾記  
西靈官閣下數枝茉莉手親栽

張綦毋字大可號潛齋平陽人貢生有潛齋詩鈔

秋日雜感

夜長不能寐起坐天未明衆星何厯厯月落參半橫涼風  
颯然至撼撼墮葉聲喟然發長歎竚立以屏營感此時序  
變慨與憂內并念我蒲柳姿豈任霜露更滄海無回波晝  
日易西傾人生苦役役白首俄已成空懷千載上但蘄後  
世名

平原極目望木落霜天高四山獵火紅百獸爭竄逃短後  
馳駿馬射虎南山坳雕弓掣電開矢發如風焱狐兔盡何  
益無爲多殺燒取彼中山狼歸來充我庖

宋景闢字今郡號話桑平湖人貢生有桑阿吟

曉發



曉發城猶閉，停橈待啟門。稍聞煙際語，不辨渡頭村。露重  
蟿初咽，星稀鵲欲翻。須臾魚鑰動，銜尾劃波痕。

魏舒字更生桐鄉人

詩話更生幼爲僧名苻芳縣有丞攝令性谿刻縣民  
訴於臺省丞疑贖出苻芳手假他事逮下獄欲置之  
死雲亭大命寄贖來代見苻芳獄中題詩丞釋之而  
丞憾未已雲亭冷返初服乃名曰舒志雲亭德也徒  
居石門未幾卽卒

感事

乍解軍持別梵王，臨歧心事祇淒涼。冠巾重上先人冢，衣  
鉢分傳弟子行。舊剝風幡留半偈，寒鐙夜雨夢連牀。從今  
更作青蓮喻，雖在淤泥亦自香。

沙門高士兩難爭，太息千秋論未平。妙總恰爲文字累，寂  
音偏受黨人名。酒醒旅館離初地，吟繞空牀雜梵聲。我是

懶殘方墮此十年宰相識平生

樓鐘字于湘錢塘人有于湘遺橐

支硎山

天平折而西數里得支硎支公有遺跡於此繙金經雲鶴  
不可呼空復名其亭幽澗吼瀑泉白日陰泠泠如鼓朱絲  
桐一聽心一清復上此山頂盤盤青螺形竹徑凡幾轉交  
翠延幽情吳中盛游覽車馬喧春晴伊予今始來能無笑  
山靈

將渡太湖石公山僧來迓

欲問靈威洞煙波隔幾重偶遲孤櫂去先與老僧逢雨後  
朱櫻熟山中綠樹濃明朝寺樓宿同聽一聲鐘

登雙峯閣得磬字

絕頂構飛甍遠攬大江勝振策同攀躋放眼發高興海上  
羣峯趨中流寒日瑩俯覺四天空時見一帆正冷翠溼衣  
裾叢竹翳苔徑紆回捫煙蘿杳杳落山磬

姜宸熙字檢芝號笠堂烏程人諸生有陵陽山人集

真州

曙色霽遙浦片帆衝曉行疏鐙明驛火殘雨亂雞聲綠樹  
真州道青山建業城渡江空擊楫搔首歎勞生

秣陵道中

浪跡非吾願遠游思黯然偶隨瓜步雨獨上秣陵船畫角  
吹殘戍飢烏噪野田江鄉春已盡處處柳如煙

寄別王岡齡

樺燭燒殘漏斷更江亭惜別酒重傾月斜野浦潮初落鐘

動寒城客早行百里雲山愁遠隔三秋書札悵離情迂村  
老病青樓死槃敦何人念舊盟

張世昌字振西平湖人諸生有數坡詩鈔

詩話振西性孝友學詩於曹慈山與  
弟世仁香谷詩鈔合刻題曰對牀吟

題顧野王讀書處

水月灣西一徑深舊來書堵杳難尋蒹葭含雨自清影蟋  
蟀悲秋空好音信矣文章千古事懷哉鐙火十年心華亭  
遺跡依然在何日扁舟訪寶林

懷海昌施定庵范西屏

少日愛賭棋棋友集如霰就中交孰深施范並云善敘地  
接郊祁論年同角卅始喜跡相親久覺情相眷自我奕興  
疏致彼來意倦范君客金陵卅載不一面施君賦遠游夙

明詩彙言卷之十一  
約竟忘踐回憶對壘時環聚皆俊彥真摯舒性情嘲笑廣  
聞見那得重相會一杯看酣戰

張世仁字元若平湖人諸生有香谷詩鈔

驚雁行

書帷夜靜寒慄冽坐對銀缸手披閱忽聞屋角流奇響恍  
若狂飈摧敗葉又如人馬驟奔騰疾走銜枚赴驕敵我驚  
倒屣出庭戶仰視霜空意難測回頭呼童問何物云是驚  
鴻方過翼羣飛千百亂橫陣勁翻翻風蔽天黑我聞其聲  
已太息又聞此語重悽惻君不見瀟湘雲夢無人獵閒宿  
蘆花伴明月胡然遽投塵世棲星夜倉惶避繪弋吁嗟乎  
雌雄離散安可戀我獨感之淚如霰

學草書偶成

草聖吾家事臨池偶作行但能工點黠兼取露鋒銚似矢  
纔離弩如錐早處囊莫教拈秃管抵死效鍾王

王德溥字容大一字澹和錢塘人貢生有寶日軒詩集

詩話容大父馭陶年躋毒臺關養素園以娛老舊爲  
金氏友莊庵有十景之一時名流歌詠最富今寶  
日軒集後附存詩四卷齊次風諸家序之昔爲養素  
園作幾類於玉山雅集其無專集者亦得藉存一二  
重也

過高士鳴弔太白山人卽用其卜居南屏韻

幾度峯頭對暮曛幽尋不憚往來頻爲披榛莽求遺跡獨  
向煙霞弔隱人漫稟至今傳逸調深林在昔著閒身遙遙  
千古誰爲侶冲晦先生可結鄰

詭跡早離塵堪外甯須白眼向人斜王孫或訝輕捐國雪  
水何妨重有家杖屨半生周海嶽冠裳滿目送京華知兵

曉吏奚煩試廣識宏才正未涯

萍蹤長寄白雲隈  
太白山前斲藥來  
時發清謳還扣石  
但逢勝地便銜杯  
鶴瓢龍笛依形影  
白袷元巾獨往回  
晝寢不知門外客  
春深一徑長莓苔

羽化登仙間有術  
詩成幽邃見還稀  
山前無復輪田種  
林下何緣看鶴飛  
寂寞荒坡澆酒盞  
淒迷寒霧襲人衣  
西湖從爾稱高士  
十里南屏念所依

看山樓對雨

暑氣全憑急雨收  
望中景物接天浮  
山含鱗甲迷千樹  
風吼熊羆撼一樓  
土潤不愁龜兆坼  
池翻更愛穀紋稠  
生涯自愧多慵放  
欲荷蓑衣向隴頭

落鏡後里人競勝復增一夜有作

人情苦貪不知止五夜踏鐙興未已貧家一棧幾躊躇太  
倉粒粟漫相擬宋朝業請增上元錢氏買添見野史笙歌  
合沓既盡歡星月輝光儘堪喜好樂無荒憶古風極盛難  
繼鑒物理長官方且訓勤儉下里胡爲競奢侈欲作長鐙  
錄鄙詞敬告高人定弗訾

施學韓字禮齋號石泉仁和人諸生有南湖草堂詩集  
石門道中

漁唱依稀過野塘炊煙四起入蒼茫一枝柔艣水天闊滿  
港蘆花客夢長何處孤村無好酒卻留明月送還鄉明朝  
小泊臨平路渴就山泉細細嘗

丁維時字馭青號拙漁嘉善人諸生有拙漁詩存

詩話馭青藏書極富丹鉛不去手頗似吳兔牀陳仲  
魚一輩人書畫篆刻亦絕工雅惜不多見乾隆丁丑



高宗南巡馭青借兄伯長  
獻賦行在時有雙丁之目

柳洲種柳歌

柳洲亭畔去來波浴鷺眠鷗戲水多分外今年新漲綠參  
差萬縷映漁蓑

自眠自起影鬢鬢彷彿靈和殿外看莫使行人肆攀折春  
風留取護吟鞍

陸建字湄君錢塘人諸生有湄君詩集

送周新之先生之岳州

去年絳帳待論文此日離筵酒又醺半舫茶煙吟楚客一  
祠花竹拜湘君布帆細雨春江別玉笛殘梅漢水聞月下  
有人愁鼓瑟龍門遙隔洞庭雲

同紅豆村人南歸舟中卽事

作客誰憐我同船尚有君樹深村落隱月上權歌聞古塔  
橫煙迴秋鏡隔岸分布帆風送穩吟過越江雲

爲滑濟川書樂工扇

隋隄漠漠柳千條回首吳歛冷碧簫根觸蘇臺舊風景有  
人重唱雨瀟瀟

短笛橫窗夜月清木蘭雙楫水雲輕溪邊花落鶯聲老恰  
愛何戡到渭城

張雲錦字龍威號鐵珊又號藝舫平湖人有蘭玉堂集  
葉迎坡陸紆齋鮑咸吉諸君招集南莊探梅

一棹荒寒路幾經殷勤梅信報園丁人來淺水綠邊汊花  
問夕陽紅處亭昔酒香仍消醅酌春懷淡欲入空冥試鏡  
節後應前放待折橫枝向膽瓶

形研集卷之二十一  
蔡忠立字企閫秀水人諸生有蓀完齋小橐

田家

白日湖上沒眾山遠蒼蒼老農挈稚子出戶望牛羊孤煙  
起暮田寒月下枯桑負擔秔稻歸言笑傾壺觴

送吳湄

黃葉聲中上小樓故人風雨下歸舟尊前草木江天晚筆  
下雲山海國秋吳善畫山水誰識吹簾行市上遙憐擊楫在中  
流到家正值登高節回首靈巖落日浮

汪大經字書年號秋白嘉興人諸生有借秋山居詩鈔  
古華以桃核石索題石爲阮湘圃封公所貽

竊而食之方朔桃桃核紛向雲中拋鏗然墮地化爲石淮  
上仙翁初拾得傳觀一座人咸驚無人識是衡星精小石

果蘇良取義石不能言以形示稊落中含玉液温仙翁寶  
更逾瑤琨何時瑩然入君手好向西池奉阿母君先繪有  
丹荔圖合成雙璧圖不孤只恐驪龍夜破夢錯認遺珠爪  
攫弄題箋我亦思好春桃葉桃根半化塵幻想此核種儻  
活勞君呪以生花筆

曉雨坐雲林方丈

一夜不成寐上方鐘又聞氣蒸叢薄雨寒壓亂山雲曉色  
侵眉冷秋聲到耳分何妨學彌勒禪飲坐微醺

何經愉字樂天浙江山陰人諸生有停雲軒古詩鈔

詩話樂天年四十棄舉子業專肆力於詩入客中州  
主講周南書院二十年遂家焉子綸錦述其父命曰  
吾老且病不復能自定詩案杜陵云詩是吾家事我  
以此付汝矣近體不必存但爲我存五七古數十首  
古人一篇一句可以不朽甯使人恨其  
少無使人厭其多也今僅存古體一卷

長歌行

二曜走堂堂羣動趨擾擾萌卯迄歸根紛紜角智巧瑤池  
葬王母仙姿亦枯槁螭蛄哭喬松徒自傷懷抱荒邱聚腐  
骨誰爲問壽夭志士重修能抽心似春草何以垂不朽立  
身貴及早光陰無處買泉刀曷足寶銅龍逐金雞錯迭催  
昏曉海島遇彭聃鬚眉霎時老

釣竿歌

良人在何許言釣河之湄望涯不可渡浩渺令心悲持竿  
出門去枯楊未生稊飛絮今如雪寂寞愆歸期郎作釣魚  
竿妾作釣魚絲不逐悲風斷長得相提攜郎作釣魚絲妾  
作釣魚鉤不隨流水沒長得相沈浮沈浮兩不見歌殘淚  
如霰

平臺雪

高卧舊梁園風流歎歇絕不見古時人但見古時雪今人孰與古人齊古雪何如今雪潔平臺一凸千年痕冷豔寒光耿未滅萬斛珠璣飛碧空清冷池邊墨浪熱南冠有客悲華顛吹上頭顱不可刷一曲陽春和者稀山聳吟肩凍欲折虛窗瞥見梅花魂五夜遙情爲誰結

李旦華字憲吉號厚齋嘉興人優貢有青蓮館詩草

詩話厚齋秋錦四世孫淹貫經史乾隆丁丑壬午兩應召試未遇卒時年未盈三十

香泉暫游宛鄧作詩送之

宛鄧東西路朝來匹馬行名都唐節鎮佳麗漢陪京蒼莽尋山意遲迴弔古情經過平子宅醉墨定縱橫

得范松亭嶺外書卻寄

迢遞行踪逐斷蓬與君溝水各西東  
夢遙衡嶽嘒猿外書到山城細  
雨中別後又看春草碧宵來喜見  
燭花紅江淮溼霧連朝暮苦憶蠻  
天滯郝隆

鄧裴字又楷號東湖江西新城人

呈邑令辭博學鴻詞之命

臄腹相需本不多衡門兩板帶溪河  
楚人服食優蘭菊山鬼衣裳秀薜蘿  
滿壁煙霞游嶽記百年寤寐考槃歌  
廟堂不少夔龍佐敢與清時補澗阿

張舟字廉船鉛山人

游靈巖弔畢秋帆先生

仙館華陽絕探尋海山兜率信俱沈  
長埋但惜人如玉不樹甯愁校摸金  
北海尊曷思舊淚西華衣帔恤孤心  
懸知

墓草經年宿猶自臨風慟不禁

叢桂秋風起澗阿武昌隄柳幾婆娑老耽聲妓新歡少死  
戀湖山故國多幾樹冬青歸自在一場春夢醒如何賣珠  
婢老天寒晚破屋長憐補薜蘿

劉士俊字儼若號鷗村臨川人有鷗村集

客樓閒望

枯藤短髮此經過目極高樓喚奈何遠嶺日斜孤塔迴遙  
天瘴起百蠻多木棉花賤村姑樂蘆管聲寒牧豎歌太息  
南中章句客吟壇無處問橫戈

鄧公子龍遺  
集名橫戈

謝本量字尙容號退庵南豐人

秋塞

雁歸不少待秋氣滿關山今夜悲涼月照人生死顏黃沙



騎戰馬白露溼刀環何日樓蘭斬將軍命賜還

秋閨

桃花紅爛漫是妾送行時今夜閨中月照儂別後思秋聲  
邊露白雁盡塞衣遲非作征人婦此情良不知

李能哲字惠伯號無隱漢陽人有心遠堂詩鈔夢隱詩  
稿

和陳今山見訪韻

故人似春色新歲到山家一笑坐拈酒滿園行看花別來  
多舊好老去更天涯且喜詩情健同吟對落霞

胡本棨字赤韜號伯子廣濟人諸生有研北草堂詩鈔  
岸如樓詩鈔

湖莊春望

望入平皋路風光面面分山青前日雨樹綠滿湖雲僧梵  
隨雲落漁歌隔水聞爲沽一壺酒爛醉倚斜曛

孫煦字育萬號石樓漢陽人有石樓詩鈔

澧川逢張秋崖丈自蜀歸

他鄉頻見雁旅夜忽逢君鬢染峩眉雪衣霑劍閣雲風塵  
誰息駕井邑尙從軍迢遞澧川路秋聲不可聞

題亡友韓二鶴秋柳小幀

不關搖落亦銷魂幾縷殘煙是墨痕剩有冷吟閒醉處暮  
鴉零亂夕陽村

漢關曉發

帆影敲斜樹影圓遠山一角點蒼煙關河曉月涼如水無  
數蓼花紅到船

張九齡字平圃湘潭人有寄園詩鈔

移居詩

步來城一角，渾似陟山尖。近舍開花圃，比鄰挂酒帘。高軒難枉過，野老至無嫌。雀噪知何事，家人喜妄占。

莫笑耽吟苦，慇懃唱渭城。簞瓢容陋巷，金石出歌聲。有事拋家計，耘人待歲成。窮鄉謀薄食，終羨是躬耕。

廖國恩字羣普號沐堂安化人諸生

春雨晚晴

好雨初過後，林泉景最賒。綠添沿岸柳，紅放隔牆花。深樹時聞鳥，方塘未斷蛙。杖藜頻徙倚，山外夕陽斜。

閏九月偕同人登辰山

攜將筆墨作行裝，乘興飄然到上方。置閏幾經逢九月，登

高方不負重陽泉鳴萬壑添岑寂雲起諸峯接混茫最好  
山僧沽酒至頽然共醉菊花觴

羅天閭字開九別字雲皋湘潭人諸生有西塘草

詩話雲皋蚤歲棄舉業與族兄浮族子紹熊講學於  
西塘以道義相切劘掩貫羣史喜談周易均有著述  
尤好爲詩族兄鴻臚典歸主麓山講院名重一時  
獨推敬雲皋雲皋嘗游麓山鴻臚選諸生能詩者數  
十人邇之湘岸雲皋衣冠樸素人或輕之及見唱和  
數日成詩二百餘首始大歎服其詩品在陶韋之間

夏夜呈向賓門先生

皓月出林表長空星欲稀白雲凝綠樹翠葉增清輝四山  
蟲語亂棲鳥時復飛愛此不能寐撫琴爲一揮但患古調  
難豈患知音稀花下三弄餘相對共忘機願言長契洽莫  
使寸心違

夏日喜靜山諸君過我留飲賦此

山居卧病苦炎氛諸君過我何殷勤臨江冒暑呼船渡衝  
破山前如火雲我聞靜山佳致地窈窕幽邃真無比久欲  
登臨奈病何曾有新詩倩人寄自是悠然得我心西塘之  
畔勞相尋入門不敘尋常語便指南軒東壁琴琴鳴三歎  
還五噫羽急宮緩知不知貧家客至無佳奉雞黍盤餐酒  
一卮知己相逢好放懷馮公郭子託重來阿咸過我不知  
數約醉林竹已三回惟有皇敷與建中去年一別各西東  
暮雲春樹窗前月一段相思幾處同同來聚首坐茅屋好  
看門前松與竹二物從來不改常交情得此亦云足

春日寄懷晚香山

雁書潦草不可識目斷天涯長歎息術士今無縮地功春  
山愁煞芝蘭色夢魂昨夜坐君旁花裏尋詩字字香鄰雞

不合聲三喔只賸幽輝冷半牀

吳登鴻字笠樵長沙人諸生有原上草

題唐友山畫冊

煙雲供養別有靈五岳遊戲生光晶  
右丞不作華亭死南宗至竟無丹青  
唐子友山吾昆季偉然天廟瑚璉器  
當窗清啜子經腴拂素癖領湖山趣  
是日華氈羅眾賓看君意若旁無人  
袒臂含毫久未下匹練忽破青蒼痕  
白雲縷縷紫晴寶萬壑千巖爭聳秀  
須臾擲筆風雨來潤入紙背生蒼苔  
有時陰嶺浮積雪玉樓起粟銀瓶結  
有時大塊揚颺風樛枝傾倒懸巖裂  
枯松蜿見虬龍躡瘦竹真成鐵鉤鎖  
由來繪意非繪形一日十紙無不可  
憶昔南走包山麓朝朝舐硯雲光曲  
慙無妙筆下雙腕空貯粉本盈千軸  
只今

展卷睨新裁野人疏爽心顏諧左手拄頤右畫肚悅悅清  
夢依雲隈嗚呼唐子技至此南宗嫡派予惟爾願掃鷲溪  
千尺水坐我寒雲深樹裏

重寄彭蘭沼

五幅花箋碧間紅題詩遙問浣花翁湘江一棹黃梅雨遲  
汝旗亭畫壁中

寄黃心齋

一年春事悵平分小撥鑪香換夕熏天爲釀花長作雨山  
因入嶽易生雲愁傾夢裏紅梁醞苦憶尊前白練裙湘上  
幾回南雁過好詒風月續新聞

題周曉村觀海圖

紫霧龍宮翠蓬神  
闕二圖朱君壁作

翠蓬紫霧杳冥間孤嶼成連去未還我有布帆三百幅待

君同上囷嵒山

得唐友山詩音

先生畫與虎兒齊，橐筆時來喚我題。  
皓首不知身落魄，高  
歌每到日沈西。  
纔看扇上成烏犢，幾向輿中遇白雞。  
春水桃花新解纜，家家屏障手親攜。

疊韻酬尹莘農

除卻鉤衣草不栽，任憑濃綠障飛埃。  
湖山秀發珠簾捲，絲  
管啁啾畫舫開。  
儘有奇書堪縱目，未妨仙侶共銜杯。  
四天風緊寒侵袂，袂貪過溪橋看早梅。

吳炯字秋陽號睡庵武陵人有古香園詩草

詩話秋陽工詩善畫其兄官邵陵守備往依之日與  
酒人游歌呼過市嘗與友泛舟誤落水衆驚救秋陽  
從容冒水出曰方從三閭大夫游樂甚諸君能  
嘗試否舟人皆大笑老病無子年近九十乃卒



黃鶴樓

黃鶴樓頭秋日陰  
客中扶病強登臨  
東南野色分吳楚  
江漢濤聲自古今  
澤國秋高紅葉少  
鄉關天遠白雲深  
仙人玉笛無消息  
但聽蕭蕭萬戶砧

崔宏楸字竹筠常甯人諸生有竹筠詩集

顏嶺

夕暉生寂寞  
返景入幽林  
歸鳥有時下  
孤雲相與深  
尙知蒙谷外  
猶照古潭心  
莫怪餘光落  
冰輪已滿岑

江村夜

微風沙磧岸  
小雪暮江天  
犬卧當籬月  
人呼隔水煙  
松門沽市酒  
荻火打魚船  
寥泬情無限  
余心亦浩然

王敬禧字孝承一字南陔號春墅武陵人諸生有詩教

堂集

月夜泊朱洲聽度曲感賦

煙暝急羈雌清歌正起遲湘江不流處山月乍明時遠道  
牽芳草逢場和竹枝獨憐聲半咽哀怨爾何爲

西風

關河勞夢寐誰遣夕中生月色不離地山寒盡入城籟虛  
蛩咎響秋老雁無聲處處皆長道徒看白露盈

陳士杜字鶴皋長沙人有雨花山房詩鈔

詩話鶴皋與兄蒼山士松稱詩湖湘間蒼山年三十始附學官弟子籍鶴皋終其身阮童子試未青一稔困路視蒼山又過之從弟每田編修士雅序蒼山詩爲授制尉鶴皋詩有性靈到湘皋稱其尤工古體

城西晚眺

日暮臨高堞江城返照中暝煙生遠岫秋水送孤篷岸迥

影 許 集 卷 之 一 十 一  
三  
蘆花白林疏柿葉紅晚山鐘磬發惆悵下西風

許儒龍字水南成都人有岷南集

到岸

到岸停征權漁村正晚晴一舟橫野色百聽廢灘聲暝覺  
空江易愁緣獨客生臘殘游道路飄泊恥身輕

登城野望

獨立山城上闌干對落暉霞邊雙鳥沒草際一僧歸古堞  
緣蒼藹芳茨入翠微南風吹四月處處棟花飛

白鑿江抱疴夜坐

柳外蘆邊一水清篷窗乍啟接高城風吹靜夜魚龍氣浪  
打荒洲雁鶩聲客裏光陰容寂寞病中情緒未分明柁樓  
鐙影人危坐霜氣侵衣夢不成

初秋

月光小院清於水人坐空齋淡似僧  
貪得夜涼窗不掩秋蟲飛上讀書燈

晚晴移詩匯卷八十七終



晚晴詩匯卷八十八目錄

彭元瑞 五首

蔣士銓 二十七首

蔡以臺 二首

薛宁廷 十一首

魏大文 三首

李翊 一首

李漱芳 一首

曹錫寶 十首

戴文燈 十首

汪新 三首

程大中 四首

解秉智 一首

阮芝生 二首

周嘉猷 一首

虔禮寶 三首

孫永清 三首

張銘 二首

彭紹升 五首

王鳳文 一首

張遠覽 五首

韓夢周 四首

張邦伸 三首

李肇源 一首

黃紹統 一首

邵自華 一首

吳穎 四首

何明禮 一首

吳瑄 一首

邊嚮禧 一首

晚晴移詩匯卷八十八

徐世昌

彭元瑞字掌仍一字輯五號雲楣南昌人乾隆丁丑進士改庶吉士授編修官至工部尙書協辦大學士贈太子太保諡文勤有恩餘堂彙

詩話文勤才思敏捷久直南齋應奉文字婉麗清新高宗日必有詩羣臣賡和多敷其體格文勤往往進未嘗不稱善也

趙北口鐙詞

繞淀長隄柳色蘇初張黃幄奉宸娛團圓月照冰池上萬頃玻璃一顆珠

蛭膏鶴欲百枝然元夜真成不夜天野老路旁咸額祝至尊親奉壽觴前



簪筆星廬夜景清易京有路近瑤京侍臣仗外重聯句天子揮毫頃刻成

輦旁前日見郊臺憶昨籌邊羽檄開一樣離宮鏡月宴年班攜得遠人來

題北宋石經周禮殘本

赤腳仙人下當宁韓范富歐名世輔是時海寓久又安文治張皇垂掌故寫經鐫石立汴都判者宋祁後王洙下遶草澤上皇姪趙楊張謝章泉胡一行小篆一行隸貴以古文存古意點畫猶講說文書體裁不襲經生字豈意于今六百年十二版耳僅流傳小長蘆叟秀野氏二三策未見周官法帖譜系蘭亭考好事羶薶競搜討書家但解八法工俗學安知六經寶一從大盜壅洪流難向黃河沙底求

獨怪當年刻甫畢，便行新法廢春秋。

蔣士銓字心餘，一字蒼生號清容鉛山人乾隆丁丑進

士改庶吉士授編修有忠雅堂集

詩話心餘早年作詩好作闕大語奇險語殆鑒於歸  
愚詩派之流失力矯平易遂得才名然以古人之大  
言奇喻入詩實當時習氣究之刻意冥搜徒著迹象  
何嘗能闢大能奇險耶若其至性至情隨時流露學  
力邃密諸體皆工固非後來舒王可比亦出同時袁  
趙之上蓋雖肆才氣仍有節制也王蘭泉作墓志謂  
君自古文辭及填詞度曲無所不工而最擅場者莫  
如詩當其搖筆擲簡意緒觸發如雷奮地如風挾土  
如熊咆虎吼鯨鱓吐麓擲山負  
海涵莫可窮詰其推許如此

金山

空青縣萬仞雪浪齧孤根元氣留江影天光縮漲痕魚龍  
陰拜舞巖壑怒崩奔向晚千帆沒蒼茫海氣昏

浮洲寺

倒景開平湖淺漲落沙步一徑入空翠亂石出新路深林  
蓄微涼修竹莽迴互虛亭上暝色波光動秋樹雲氣蒼茫  
生漁艇晚煙赴不見伴鷗人輕舟自來去

湖上晚歸

溼雲鴉背重野寺出新晴敗葉存秋氣寒鐘過雨聲半檐  
羣鳥入深樹一鏡明獵獵西風勁湖心月乍生

遠游

初日照林莽積靄生庭闈長跪拜慈母有淚不敢垂連年  
客道路兒生未遠離力學既苦晚可復無常師負笈出門  
去白日東西馳遠游幸有方母心母念之兒食有齋粥母  
毋念兒飢兒服有敝裘母毋念兒衣倚閭勿盼望歲莫兒  
當歸俯首聽兒言丁甯語兒知小妹不解事視母爲笑囁

新婦亦善愁含淚無言詞繁憂未能語匪但離別悲父車  
既已駕我行復遲遲豈無寸草心珍重三春暉仰看林間  
烏繞樹啞啞飛

神山有威鳳萬里求其凰十載未能遇翩然歸故鄉邂逅  
梧桐陰錦翼同翱翔羽毛耀文采顧盼生輝光竹實旣云  
美天運亦復昌安能老丹穴而不思明堂天風吹紅雲靈  
匹此分張豈不念棲息何以酬文章一飛儀虞廷再飛鳴  
岐陽振羽還神山比翼游扶桑拙哉共命鳥委曲蓬蒿旁  
曉過峽江縣

溼翠四圍滴空明百轉清山懸江出峽縣仄嶺穿城曉色  
千家靜樵風一棹輕高樓未能上回首樹煙平

歲暮到家

理學彙言卷之二十一  
三  
愛子心無盡歸家喜及辰寒衣鍼綫密家信墨痕新見面  
憐清瘦呼兒問苦辛低回愧人子不敢歎風塵

哭楊子載

與子三年別歸來哭寢門遺孤不解痛老母獨招魂壓衆  
才無敵成仙位自尊墓碑書選士窮死亦君恩

九歲負才名詩成牧伯驚天教將門子來作魯諸生我亦  
今詞客歸棧古灌城十年兄弟友如此對銘旌

舟中讀書

束書厚疆圉自固恐自陷心兵矢銛銳何藥與淬蘸十載  
伏糝几剝處澤可鑑兩袖月補綴布褐色爲儉銳力辟志  
猛強識得天欠饑夫胃脾弱嘔噦負咀噉齒牙甯不饜胸  
腹卒難饜精氣困迷謬智慧墜昏墊終歲無逸獲手眼役

頗厭去之日悠悠此身殊泛泛吾師新安叟

檜門先生

相啖獨

醇釀坐我繚臙舟目送覓觴盃久別俟新異再見或播擻  
詎謂歲月改憂虞計罌甌闔燁成坐廢謀食類愚暗學道  
我所欲救死恐莫贍寒餓疾已痼日待斗石矻及茲春糶  
靡而乃挂江帆得朋丐資斧欲吐口喁噏所識半窮乏不  
免詫鬼瞰世路未可測光景詎能纜執理不勝欲倏忽營  
兩念納睛入胸膈反目自鞫勘可憐文字腹呀然告虛歎  
飢腸時一鳴苦心倏藏斂以茲焚臙府奚待竈木栝所嗟  
肝與膽雪亮一古劍本無機械巧不畏穿窬礮對書識彌  
曠當仁意稍僭浩然敵外鑠自得足隱驗灘渦移舊痕岸  
樹圻新豔及時彼誠能流矚我亦暫觀物拾奇悟識字增  
默懺緯夫曳舟上去波有餘憾行當悃圖史朗誦越天塹

偶憶

近況真難語塞鴻江湖卧病亦怱怱  
杯空寒色一燈裏夢在雨聲雙鷓中  
壯志平居多感激同官健者定從戎  
不知馬上誰提筆親紀將軍殺賊功

九月十四夕夢中作

屋偏藏老樹衣溼散歸雲水氣乘閒出  
山身向晚分年豐農事足客到犬聲聞  
便借茅堂宿無因識隱君  
鏡暗雞傳唱涼生月入扉  
破空人語細行遠寺鐘微地僻  
消塵慮心清集道機  
明朝出山去幽思定多違

送汪魚亭還里

來何棲棲去草草送君再出長安道  
柳條不似昔年青秋氣真隨故人老  
君將入仕游未倦我欲著書心已槁  
不忘

溝壑守窮之恥向妻孥說溫飽年來自許黏壁枯相對猶  
憐擇枝繞君身木彊氣不屈神鬼挪揄百端擾高才易竭  
須善繼美譽難勝貴終保千金屢散身枉勞萬卷重開歸  
及早孺人穉子入鄉夢淚灑鐙檠客懷渺陶潛醉語醒者  
恕杜甫登牀貴人惱家無僧石豈得住主客初心亦難曉  
敝裘羸馬天蒼茫投轄傾囊事縹緲拋心力繡平原誰  
出黃金鑄賈島卅年故舊幾人存千里關山何處好布帆  
安穩浩歌還回首交游跡如掃

興安道中

羣山奔會中孤嶺每一卸叢叢灌木合隱隱村墟藉後巘  
降已深前谿入猶乍田疇好風日宿雨長禾稼丈人倚柴  
荆召客憩茅舍繞屋棲餘糧倉廩無隙罅豐年豈有常比



戶畢婚嫁

連巒石輪困起伏散壁壘我疑神人戰旗鼓擲于此免胄  
鬪爾顛覆釜楮其底時清洗兵久刀劍不須砥地力用各  
殊藉以鎮郊鄙團團列星隕鞭撻孰能徙崩崖垂象鼻宛  
若鉅橋圯石爾苟能言吾將扣微旨

靈山自端居岑山走一臂側嶺卧高原城郭壓肩背縣門  
帶場圃榛莽雜蕪穢街衢日色薄寂莫吏民對昔聞聚逋  
逃據險亦可畏荒墟存黑灰冷竈今則廢懷哉古人心建  
置豈無謂

出門

三十官京師迎母東華住四十歸田園別母臨安去十年  
不離膝一朝行李具隕涕看烏雛啞啞繞庭樹

老懷重骨肉貧家輕別離  
飢來攜子出低頭拙言詞  
我腸轉車輪母淚落纒縻  
牽衣不成語但道勿我思  
垂老別兒孫感傷唯自知  
我生無弟兄親戚況天涯  
馨膳託家人痛矣南陔詩

知廉十五齡始去祖母懷  
平生鞠育心至此益無涯  
嬌慙性不馴恃愛每多乖  
再拜萌本念號泣聲哀哀  
衣履悉手製老淚痕難揩  
丁甯慎食眠力學期克諧  
勿令受笞撻致我遙心摧

昔別但思子今別兼思孫  
服我初服衣舊淚連新痕  
祿仕養且薄家食甯足存  
古人重恆產至性皆可敦  
俯仰有慚色勲業誰能論  
一身苦支離難答君親恩

病婦偃空牀行矣不能顧  
豈無兒女情門外多歧路  
藥煙

啟羅幃復牽知廉衣傷哉母子別慘于夫婦離兩季學母  
泣戀兄亦依依送耶出門去問耶何日歸

歸期若許長去路日已遠語婦惜憂勞勸母加餐飯風來  
畫堂深日下離亭晚抑情只自傷卻顧敢頻反出郭愁思  
紛登舟客心短夕夢共兒還孤篷雨聲斷

五更

村雞膈膊曉星移殘夢初迴各自知岸上驟網江上槳最  
消魂是五更時

過瑞洪

記得韓康賣藥街袁公門巷掩荆柴瓦鐙照字教兒讀敗  
絮圍身卧母懷船泊檐牙糠作飯魚生牀角竈沈蛙六年  
往事堪迴憶只有殘碑宿草埋

三齡棲託八齡歸墓祭深慚報禮微奉母何曾陳鼎俎銜  
哀今已脫麻衣九原酬德心無盡雙救賄封願敢違空贖  
兒時兩行淚重來兼慟失慈幃

題施生

晉

詩本并柬黃生

景仁

碁鏡雪屋暫淹留相倚真同李郭舟才大士多嗟不遇情  
深人每善言愁江東年少雙行笈燕市天寒一敝裘史館  
餐錢書局紙因貧聊復與沈浮

蔡以臺字季實號蘭圃嘉善人乾隆丁丑一甲一名進  
士授修撰有三友齋遺藁

寄周青在

白板巖屏負甲開但無車馬便蓬萊風篩千个平安竹雪  
壓一枝偃蹇梅蕙業已甘靈運後夜窗還待子猷來紅鑪

綠蠹春温在莫枉相思一寸灰

光明殿寓齋應慎郡王教

左右鄒枚幕裏賓樗材也許奉清塵棋敲暎玉甘饒子詩  
效寒郊肯讓人兔魄乍虧三日照桃花依舊十分春選樓  
開處多閒暇倩問朝天酒幾巡

薛宁廷字補山雒南人乾隆丁丑進士改庶吉士授編

修有洛間山人詩

詩話補山登進士入翰林越六年休致歸養歷游吳  
越河朔間與當代名流相倡和晚年多在山東省主  
講各郡邑書院居貧樂道以詩為性命其集經袁子  
才蔣心餘闕定者居多詩輕圓瀏亮亦與兩家相近  
其刺時感事之作頗  
有似香山新樂府者

雜詩哀牙山也

桐生依崖壁百尺臨清流所託本孤危飛鳥不敢投直幹

戰風雨入夜鳴颺颺豈必中梁柱琴瑟可與謀未遭牙曠  
顧搖落不及秋枝葉乍飄墜根株迸莫收桃李自芳菲芳  
菲使人愁

賈生傳長沙投書弔汨羅觀其賦鵩鳥未免悲軾軻少年  
盛鋒銳一跌遂消磨憂思鑠精氣莫反魯陽戈柳下昔三  
黜直道原無頗阨窮而不憫乃稱聖之和絳灌豈讒佞蒙  
此蔽賢阿空抱治安策實辜聖明多悔不從園綺采芝商  
山阿

漫興

自笑宦踪同昔賢遮莫眼飽西溪蓮游春亭古飛蒼煙試  
將濁酒呼杜老日夕發興相留連

地接南山萬林竹風雨蕭蕭動新綠五眼泉噴水百斛坐

來濯盡京洛塵枯澹未妨食無肉

東溪西溪秔稻香鮮鱒作鱸皆飫嘗白雲浮嶺何茫茫不  
須授枕自成夢有人兀坐炊黃粱

登報恩塔作書陸雨莊册子後

雄都峙南戒陟厯妨夏炎縹緲想高際遠眺窮毫纖散步  
出近郭紺塔鈴語簷拔地石筍峭溜雨天花黏支撐仗調  
御超忽驚蜚廉上絕飛鳥飛下有潛蚪潛粵建自永樂竭  
府供莊嚴長干仿阿育報母追巖崦輦石萬牛重鞭血千  
夫殲轉輪鬪般巧卓筆稱蒙鈿螺房寄詰屈蜃窗眩迴瞻  
江流細如綫鍾阜清於帘臂釧抱城堞恆沙攢市闔混茫  
元氣浮孤迥晨光暹九層僅得七足力誰能添險作墮枝  
鵠困此登竿鮎輕命總窮薄稽禮懲危陷百千萬億身一

笑花同拈小憩話興廢指畫哦吟兼不食武昌魚江東歸  
紫髯六代何草草冬烏夏之蟾頗亦崇象教乞波羅蜜甜  
奢淫召兵燹何以甯蒼黔皇圖今無外東鯀隨西鷄越裳  
塗所經相風茲其占高生辯而裁王子文而謙百聞證一  
見不啻翻鄴籤維時盛霖潦遠水鋪白鹽高田化沮洳低  
禾橫漫淹阻圩悔捧土不獲胡腰鎌斗增故鄉思安得斯  
民恬歸來或問訊吾舌半生鉗聊費少楮墨能者當子矻  
陸郎索我書嗜痂心未厭振筆了急逋抵合浮圖尖

木末亭謁方正學祠

恨殺年年燕子來春風不放野棠開董狐筆是萋宏血碧  
滲堂陰繡作苔

慈伯再疊前韻見譽走筆奉答卽促西澗和章



世貴悅耳正聲少聞鴉則怒鵲則喜愛秦吉了工語言終  
年卻閉雕籠裏鳳凰希見誰聞鳴妄以截竹參差比詩雖  
人籟實天籟標竊形貌非神似高有噉噉若木顛卑如閣  
閣井泥底刻玉綴珠自足珍亂頭粗服或更美遲速何須  
判巧拙我愛祝錢兩公子西潤尊人任  
內閣典籍決渠突驚萬斛噴  
爲山要從一簣累飽食麟脯思江瑤餘事作爲餘波綺公  
車計日召嚴朱麗句同時鬪温李嗟我鉛刀久頓銚那堪  
致師旌頻靡輸他玉女郭舍人蒙天一笑啟玉齒鳴冬仍  
有寒蟲號僧龕細嗅蘄荀蕊送詩幸未惱漁童免俗差似  
柳家婢

爲劉王言書才遵墓誌揚後

劉郎歷落一酒人詩篇富不救寒餓二豪侍側如螟蛉往

年曾罵將軍坐淵材壯游恥言貧巨囊時誇蹇驢馱家近  
南皮百戰場拓跋舊姓刁氏大玉魚金碗出人間幽石剝  
缺苔蘚澆牧童敲火牛礪角古寺牆陰或枕卧庸夫俗子  
肯顧渠闔世閱人同涕唾偶然鑒賞等和璞百錢役使雙  
肩荷歸來洗剔手自搨紙光墨彩不脛播請者卽與買者  
勤廉取曾不居奇貨當時書丹例不名漁洋並記安平那  
北海家法衛夫人鍾王濫觴歐褚佐我讀其文玩其書洗  
盞酌君爲君賀從此藝林壽刁遵好事更傳君一个精光  
夜夜動星文叟藏莫遣雷轟破作詩漫附石鼓歌酒酣或  
可相賡和

書秋谷詩集後

天以蟲鳴秋此事屬寒餓休官未三十不可惜可賀坡谷

相角逐裂竹偶入破若遣老名場經綸蟻在磨司寇魯東  
家談詩在高座

昔夢之帝所一聆霓裳曲謠詠妒蛾眉酒食生岸獄歸坐  
滄浪亭臨流濯我足綺語出金仙冰銜換玉局嶺海發奇  
情禿豪脫羈束詩留天地間何啻爲令僕

魏大文字叔明號松軒平越人乾隆丁丑進士改庶吉  
士授檢討

過浮邱寺飯力公房

古寺蕭蕭雨歸途分外長泉枯丹竈井風滿贊公房法座  
松花落齋廚雲子香諸天方施食一飯試教嘗

楚游雜詠

草綠湖南馬足輕雨絲風片近清明青山到眼都奇絕小

李將軍畫裏行

沿渠春水只容刀  
理楫逢迎不憚勞  
欸乃一聲煙際語  
漁舂閒挂綠楊高

李翊號衣山晉甯人  
乾隆丁丑進士  
改庶吉士授編修  
春望寄懷施大醇

近郭人家少  
平田綠水環  
花間藏野徑  
竹外露春山  
晚寺殘鐘度  
煙林倦鳥還  
長卿何處是  
直北望燕關

李漱芳字藝圃渠縣人  
乾隆丁丑進士  
歷官御史有藝

圃詩集

詩話乾隆之季  
柄臣專政  
惡聞直言  
藝圃疏言畿輔  
遭饑饉流民載道  
有河阻蘆溝橋不使至京師  
命大臣偕往蘆溝橋察視  
無所視乃以安語于薄謹  
時有范給事宜賓爲文肅公  
裔疏與藝圃同以漢軍  
世僕虛言沽譽特重其罰  
至遣戍

晚秋江上

淡淡秋江落日斜  
水清沙白下寒鴉  
漁人撒網攜壺去  
一路歌聲入荻花

曹錫寶字鴻書號檢亭又號劍亭上海人乾隆丁丑進

士改庶吉士授刑部主事歷官御史贈左副都御史

詩話劍亭初以中書直軍機處嗣由庶常改主事入  
諫垣抗疏劾和珅家人不法受人之給章上需綴事  
已彌縫吏議奪職高宗原之仍命留任及仁宗  
親政追贈副憲以旌其直當時與錢南園並稱晚歲  
好學訓詁校勘諸經篇什流傳者皆未入諫垣時所作

聽泉

向曉萬籟寂策杖登孤亭  
泉聲巖際來耳畔響泠泠  
松風亂猿鳥潭霧澄幽靈  
悠悠變今古淡淡歷晦冥  
眞機了可悟起視數峯青

出古北口

霜淨宿莽平風高邊馬壯我行出嚴關心目恣駭浪巖嶺  
爭超突泉瀑互奔放仄徑容數騎萬雉森巨防巍然衆峯  
頂鏡削出天匠是時夜將半落月排疊障屈曲窮攀躋直  
上凌空曠出險復入險頃刻倏萬狀回首眺神京煙樹鬱  
相望歸途更登陟壯觀答微尚

早發

潮聲喧野渡早起掛孤篷夢斷數行雁秋深兩岸楓荒城  
寒霧外殘月亂流中不盡煙波興扁舟信曉風

訪葉恆齋舍人南屏詩屋

碧草侵平岸閒階長綠苔林風涼不散溪鳥去仍迴簾爲  
塵多下花知客到開傍橋流水曲處處種官梅

秋日南城晚眺

日落江沙白潮來衆壑鳴雲山迴暝色風雨送秋聲生計  
天涯少文章道路輕年年蕭瑟意愁絕對江城

歲盡菱門言歸作

郊居契幽寂歸趣入塵氛持此謝芳草因之慚白雲沙寒  
徧積雪林寂兼斜曛君聽天外雁寥寥聲念羣

早寒

策蹇凌霜坂風高木葉乾空山秋易老絕塞氣先寒肅肅  
車徒靜迢迢鼓角殘幸依仙仗近行路敢云難

塞上

高嶺倚層穹寒生萬壑中驚沙常暗日衰草自生風霜落  
征衣薄秋高塞馬雄揮鞭一長望煙樹正空濛

秋日塞上雜詠

雄關高並太清連終古風雲壯北燕山自朔庭環九域城  
聯遼海控三邊牧羝沙暝空榛莽飲馬泉清絕瘴煙盛代  
卽今虛斥埃秋光滿目覆平田

烏桓城下陣雲黃白馬關前月似霜百戰雄圖餘玉壘累  
朝形勢固金湯天晴鐵騎排空見日落龍沙四望長惟有  
灤江嗚咽水年年常自繞邊牆

戴文燈字經農號匏齋歸安人乾隆丁丑進士官禮部

員外郎有靜退齋詩集

詩話匏齋出富陽董文恪公之門經進文字資以商  
推浮沈於禮部郎署八年熟精典禮爲汪文端金樽  
門總憲所倚重詩才綺麗粲舌馨牙幾與梅村  
相頡頏但少魄力風骨此其所不承年也  
題洪忠宣公墨寶冊子  
冊首載高宗手敕二道一頌  
忠宣母銀絹一使旌後極之



入朝皆紹興年筆後附文惠公記思手書一則  
韃淵忠宣陷北時古詩十二首又有高宗御書忠  
孝傳家四字文惠謝表一通矜轡中未繫陳龍  
川考亭朱子魏鶴山真西山文信國諸跋真希世  
寶也膠西高君得之  
吳趨市上爲賦長歌

駝卒岡下晝攢矢朔馬來飲汴河水康王出和敵不和猶  
勅朝臣奉金綺使者多人不記名錚錚鐵有洪佛子冷山  
囚繫十五年幾番嚼碎睢陽齒上天好還鑿孤忠節毛落  
盡歸鄉里到來白首對明廷那知賊檜講張技指喉狂犬  
吠信猜萬里南遷到儻耳坐令璽書恩不下殿中枉費黃  
麻紙嗚呼思陵非忍人也念小臣歌陟屺子母猶勞金帛  
頒父兄甯聽冰天死惜哉庸臣實誤國遂教天子長蒙恥  
姦回有柄和遂成柔懦無能仇竟已千年展册留鬱怒已  
死奸諛劍欲指紇干山雀已不歸歎息孤臣淚空泚

泊舟沙溪夜聞雨聲

松根敲倒繫纜長  
統如打鼓夜未央  
兩三點雨集微霰  
百八聲鐘鳴曉霜  
聯拳時見宿鷺靜  
嘹唳況復哀鴻翔  
朝來衝霧下瀧去  
煙昏不辨山蒼蒼

暮春雜憶江鄉舊事

水國輕陰爲養花  
小桃遠近自蒸霞  
雨滋上番新栽竹  
風遞頭網初焙茶  
舊壘燕歸驚有主  
故人書至念無家  
青絲絡首青門道  
容易秋霜點鬢華

初春山寺客游稀  
散帙開襟暫息機  
一杖探梅因月上  
五更刷筍帶雲歸  
墓田丙舍空書帖  
蕙紉荷纒未授衣  
久滯緇塵緣底事  
行吟又見柳花飛

自衡至永舟中雜詠

合江亭前灘水平臨烝城下峭帆行晚風催送津鼓急枝  
上昏鴉寒作聲

雨晴哀壑激虛籟風急寒林響墮樵斜日半竿人曬網荻  
花如雪插魚標

鹿迹虎跡徧山茨傍崦人家短竹籬乞得臘前霜露足東  
園蘆菔盡生兒

由朝天巖東行磴道曲折山腰爲扶嘯臺遂登屏風

巖巔坐玉皇閣眺西江

幸得駐曦軒復此窮元化諸峯相倚角一雄獨稱霸攀林  
宿鳥驚引蔓藏蛇怕峯頽欲礙行徑窄纔容跨筍緣入深  
壁撐空得廣榭八九丈敬側萬千象吞瀉山果剝猿猱林  
花集蘭麝沾衣空翠潤過澗飛泉射俯際蒼霧濛仰觀青

天罅盡滌俗士襟言登招提舍極目海雲微  
匝岸風檣卸萬頃碧流澄一綫銀潮研峯巒  
分向背原隰錯耕稼人稀午鐘靜幡動石壇  
亞茶煙晝漏移清籟松陰乍若爲挈偏提  
花茵聊可藉

夜泊沙口待潮

岸闊維舟遠沙崩逐水消野雲迷朔雁暝  
色辨西樵蠻女迎船語漁郎向客招無因  
催六翮飛促海門潮

度梅嶺

亂崖蒼蒼劃地戶中穹一脊雄南邦是誰  
鑿破混沌界前有梅銷後曲江我生三十  
始得到山寒冬涸空徒杠凍蛟背踏玉雪  
樹蒼龍鱗脫枯槎椿沙蟲人影視空外倏  
忽緣上都盧橦古院有雲封飄落隨幡幢  
僧言新州此說法指

點衣鉢泉淙淙

山半有衣鉢亭泉水一  
祀傳爲六祖說法處

徑轉得關門玉女

閒窺窗承平兵革銷不用惟見老樹堆空腔嗚呼秦尉竊

帝號一夫足敵九鼎扛稱臣奉貢屈辭說更歷數世非心

降樓船忽見下楊僕伏波更出湟溪瀧乃知在德不在險

悠悠天塹徒崆峒返思前度始安嶠

在今興安縣亦五嶺之二

平流如

掌纜容艤以茲作鎮界揚越南訛平秩功無雙夜投逆旅

慰心悻燒春滿注燒甕缸浩歌坐見燭花跋東山遠寺昏

鐘撞

汪新字又新號芍陂仁和人乾隆丁丑進士改庶吉士

授編修官至湖北巡撫加總督銜諡勤儉有芍陂詩

藁

詩話勤儉自詞館入諫垣負敢言名視學閩中按輿  
化有郭生鍾嶽者年九十二猶應童子試取入學口

占絕句贈之曰已栽桃李更栽松看取虬枝學化龍  
好護雪霜榮壽域他時名號薄秦封其後登恩榜授  
司業與千叟宴蓋年逾百歲矣勤信開府楚中教匪  
不靖軍書旁午卒於襄陽軍中配方夫人能詩嘗和  
阮文達冬桑有句云鋒車未填人將  
老聞御成都八百株遂成詩識矣

辛峯閣聽雨和鶴江韻

春愁無計遣况復雨兼風薄霧凝高閣寒雲沒斷鴻蒲團  
同白足箬笠愧漁翁句引離鄉思更殘滴瀝中

和邵藥宮立秋雨窗卽事原韻兼寓感懷

簾蠶細雨散絲明應節庭梧已作聲差喜暑闌三伏盡便  
看秋至十分清垂簾坐處琴書潤步履吟餘苧葛輕又是  
年時剛過半客懷無藉夢魂驚

少住爲佳客館停憑將情話伴孤醒蕭條舊宅梁間燕零  
落諸昆雨後螢愧我鬢髭潛換黑喜君雲霧撥來青長歌

自是牢愁甚和向秋窗浙瀝聽

程大中字拳時應城人乾隆丁丑進士官清溪知縣有  
在山堂全集

送別張白菴

歲晏風沙急寒江起暮愁思親雙淚眼送一虛舟計拙  
貧常在時豐酒易謀清尊聊共對雪霽好登樓

過應山留別楊映人

十載一相見恩恩此夜心月如前度好情覺老來深舊識  
無多在新詩喜共吟明朝谿路遠不厭酒頻斟

江陵

高空漠漠轉晴沙千里江陵落照斜梁苑月明南去雁渚  
宮秋冷暮歸鴉詞人意氣輕劉表野客風流老孟嘉幾許

關心成往事旅亭惆悵對黃花

長湖舟中

扁舟東下月清微野水空濛獨鷺飛一片寒光搖不定黃  
梅村路客初歸

解秉智字萬周號月川天津人乾隆丁丑進士官安化  
知縣

九日有感

獻策前年滯帝鄉傷心又度一重陽淒涼院宇池無菊落  
拓功名鬢有霜詩爲感懷聊寄詠酒因酬節勉銜觴客亭  
莫話登高事望眼何曾到北堂

阮芝生字謝階號紫坪江南山陽人乾隆丁丑進士官  
德清知縣有聽潮集



雜詩

積雨多晝陰齋居苦不懌向曉知新晴啟戶見佳色遙天  
掃片雲四山送新碧鳴鳩起樹間落英忽已積冉冉春光  
徂坐感芳時易何當攜一尊重蠟謝公屐

秋初詠懷

商聲一夜起蕭瑟暗庭柯秋色已如此客懷將若何白雲  
千里隔南雁幾行過不盡登樓思蒼茫獨放歌

周嘉猷字辰告號兩脰錢塘人乾隆丁丑進士官益都

知縣有兩脰集

詩話兩脰熟精南北史爲禱年表又攷其陝藻署曰  
招華頗行於世工爲儷體乾隆間士爾扈特和碩特  
諸部款塞撫部令撰賀表裕陵賞之問作  
奏者何人撫部舉兩脰入奏亦文人榮遇也

酬張大誠然天津見寄卽用原韻

我似棲林鳥君如破浪船此間春又老何地月重圓客夢  
依鄉井離愁入舊年清樽話曠昔期在五雲邊

虔禮寶字席珍一字律齋號古愚漢軍旗人乾隆己卯  
舉人官至兵部侍郎有椿蔭堂存藁

秋江晚泊

極浦青蒼溼未收晚風吹檻更悠悠半村黃葉斜陽裏一  
片閒雲古渡頭清景可憐皆入畫孤心易感不關秋水天  
無事容高卧此意蕭然便十洲

自題容我山房

大千世界應容我五十殘年老漸真解得須彌同芥子一  
間茅屋四時春

退思祇願身無過守分方知樂有餘釀酒先栽三徑菊看

山更擁一牀書

孫永清字宏圖號春臺無錫人乾隆己卯舉人官至廣東巡撫有寶嚴堂詩鈔

白風篁嶺至龍井

隔嶺聞風篁淒韻雜飛溜緣巖將百轉仄徑迴疏秀遙梯  
白雲封近見紅日漏登頓蒙翳深夾林華鬢覆細泉繞其  
根澄泓媚石螿巖花共鮮新古翠紛縹繡空色妙不延神  
景愜無舊想像東坡翁高人此締構去住本無家風流不  
可復莫辨虎溪蹤誰識歸隱寶我亦蓮社徒欲去戀孤岫  
欲再登孤嶼潮急不得到遂至館頭

江上變氣候金風被蘭渚歸淙偶迴沿中川眷琳宇仙舟  
幸同攜曉吹韻笳鼓瀾瀾沈石華離離出竹祖是時迴怒

潮榜人暗無語聲喧千石鐘勢挽萬鈞弩超越匪尺尋端  
倪辨銖黍方蓬失罡颺何必弱水阻翻憶前度來目成渺  
何所心逐虛舟游蹟謝短筇挂修塗果安窮噫氣空爾怒  
稍忻卽次安已慰登陟苦寄謝海上鷗忘機久予取

新湖

積雨緣巖岫空林明翠微人家湖口遠魚鬻晚來稀獨向  
煙中立愴然風滿衣仙源不可問雲徑是耶非

張銘字新盤號警堂南城人乾隆己卯舉人官江南蘇  
松太兵備道有警堂漫存詩草

敗蕉

移得蘇臺種參差綠扇攢風霜催且暮籬落伴凋殘曾以  
新詩寫還同舊雨看豈無松柏茂念汝太蕭寒

平原道中見漢大夫東方朔故里石碣戲成一絕  
歲星猶自說當年避世金門亦偶然底事侏儒成飽死輸  
他飢死得爲仙

彭紹升字允初號尺木長洲人乾隆丁丑進士有觀河

集

詩話尺木爲芝庭尙書子初洽古文講經濟中年乃  
耽禪悅皈心淨土與汪大紳羅臺山稱同志詩派甚  
正晚年閉關以後則但以  
抒寫禪機又當別論矣

哺兒詞

朝哺兒夕哺兒兒飢兒飽惟母知母哺兒甯言疲兒索母  
無是非兒夜半方苦飢囓索母起作糜糜不熟兒還囓解  
衣乳兒兒方嬉兒勿嬉有客爲爾長涕洟人生誰無阿母  
慈爾生如我當知之

卽事

庭前有遺粟鳥雀共欣欣回首見人影翻然入遠雲機心如得盡萬物可同羣到處春風裏何人不共君

謁二姜先生祠

飄零雁羽共殘生諫草空傳千載名九死流離君父痛一生患難弟兄情萊陽歸去餘荒戍吳國淹留賸老兵虎阜山頭薦蘋藻風流應共首陽清

將出都門留別彭衣春韓公復李西園羅臺山

我懷江海意未免念離羣落葉辭庭樹秋山帶暮雲春明同作客樽酒更酬君爲有平生事行藏了不分

礪磯孫夫人廟

玉佩雲旗下碧穹寒磯日落冷青楓貞心不夢荒山雨濁

明正集卷之二十一  
浪常流古廟風降表忽聞傳鄰下義師誰見定關中蒼茫  
家國無窮淚灑向空江怨呂蒙

王鳳文字儀廷號竹軒諸城人乾隆己卯舉人官雲龍  
知州

羅坪山寄咸齋表弟

微雨初消靜宿氛幽花滿路暗香聞縱橫田納彎環水高  
下山蒸散碎雲石徑村煙遙欲接樹頭人影細難分天然  
一幅清秋景粉本憑誰遠寄君

張遠覽字偉瞻號桐岡西華人乾隆己卯舉人由教諭  
歷官黎平通判有初存採薪古歡汝南黔游直方堂  
諸集

王德甫曰偉瞻沈靜誠懇望而知爲端人恭土鄉試  
出朱石君先生門下垂三十餘年始爲縣令得黔之

鎮遠地處衝繁且值軍興之際遂乞老以歸家有水

田一頃善本書古二千卷借門人王耕畬講習以終

老詩學澆花翁古

文得震川一體

詩話偉瞻通詩春秋二經兼治金石之學母喪廬墓

初官正陽教諭兄來視遠病卒乞假歸葬偕友赴禮

闕已至都而友卒不入試徒步乞

千里持喪還孝友篤行為時所稱

白龍厓

舟過白龍厓石筍插千尋石氣鬱爲龍高卧無古今如何  
不作兩長戀青山岑高望不可卽遲爾金玉音

詠懷

抱影成獨吟白日忽已暮歸鳥羽翹翹三匝繞庭樹自別  
同心人十載艱良晤豈無新相知懷此平生故相去日已  
遙芳辰誰與度處子冰雪姿望望有餘慕君子執高節厭  
浥夜多露



武九億 罷博山卻寄

藉甚博山令音書遠易乖聞君挂吏議長揖歸茅齋歲有  
耕何穫官清罷亦佳余思投刺去指日渡清淮

登令武山絕頂望嵩嶽

拳礪通微徑高崖勢欲驚晴雲開二室秋色滿中原煙暝  
千林接風迴萬壑奔便思騎鸞鶴西去看崑崙  
天半龍門峽雲間啟母祠遙岑何窈窕殘照與參差鬢髮  
風塵早煙霞日月遲當今思將相申甫降何時

韓夢周字公復號理堂濰縣人乾隆丁丑進士官來安

知縣有理堂詩集

詩話理堂理學而兼循吏自序云初爲詩襲歷下太  
倉摹擬漢魏繼欲自見情質又多俗言集中卽專抒  
懷講然肫厚有  
合風人之旨

農夫歎

三月宜種穀貧家無耕牛感激鄰舍翁得以事西疇偕作  
少丁男老妻力還道溝水解渴腸糠秕充飢喉辛苦何足  
道未識有秋不我行聞此語淚落不能收四體安且康日  
日羅珍羞終歲力原野飢寒且無謀農夫前致辭人生豈  
自由苟得一身安甘作溝壑投石田二三畝爲累成瘡痍  
糧册既有名官役急星流昨日縣帖下輿作及署樓服役  
亦所願胥役更誅求

贈安潛山改亭

卅載隱茅屋未識官吏貌頗聞野人言威凜霜雪曜私擬  
牧牛羊何用作虎豹及茲莅皇堂泥首列稚耄鞭扑竟時  
施氣急遂成躁那無道路口詛我以爲暴睨勉事撫恤爾

汝相慰勞立法在懲奸平人使有告未獲神君名時凜蒼  
鷹號循循守往訓居官如學校以茲懶趨走中頗鮮欣懌  
安有老乳母乃作倚門笑皖江春色高蕭寺徑相造問君  
從何來百里承恩詔學至非飢驅淵明諧特妙果腹事則  
已要有韓才報愛民卽爲國好事在忠孝勿謂人莫知至  
寶光自耀太史書循良千里獨仰眺

漂母祠

一灣流水碧荒雪下祠門不見王孫釣空傳漂母恩蒯通  
亦徒耳相國更何言未爽千金約黥彭莫並論

病起至程符

深秋老病自侵尋夢裏雲山思不禁乍御巾車遵北渚便  
扶筇杖入西岑從無嬾慢名賢達別有荒寒成古今破帽

風吹黃葉路蕭蕭瘦影一長吟

張邦伸字石臣號雲谷漢州人乾隆己卯舉人官固始

知縣有雲谷詩鈔

李雨村曰雲谷余同年姻家爲人敦靜安鎮歷宰襄城固始實心實政其發而爲詩無非激濁揚清義取關乎風化

題盤白山人月林清影圖

涼氣入疏林秋光耿遙夕幽人起披襟弄月吟寒碧嶺上松風鳴巖畔流雲積何處嘯鸞聲佇立情脈脈

游蘇門

太行西來一萬里奔轟直到蘇門止銜煙噴霧不可羈化作飛泉百道起湧金亭下雲雷喧大珠小珠沸靈源蛟龍夜撼蒼山動銀濤倒捲天河翻潑洄吐納千萬狀一泓清

泌流春盎海眼潛通星宿波樓臺裝點西湖樣我家江水  
西復西浣花錦水聯清溪一行作吏來中土峨眉玉壘青  
雲迷登高忽弄嘯臺月樹影山光兩明滅嶺頭南望見中  
原九曲河流杯底洩孫隱君去已久鸞鳳之音世無有仙  
人天際一招手他年共作山中友君其歸乎許我否

汝陽道中遇雨

水落平沙雨一痕廉纖不斷自朝昏馬前看取長隄柳絲  
到淮南第幾村

李肇源字河先號西槎諸城人乾隆己卯舉人官建安  
知縣有懶餘集

出郭和驛亭壁間韻

候館逢迎得暫閒城東柳色豁塵顏浮天海水高於地繞

郭人家半在山出寺心隨芳草遠登臺目極斷雲還冷官  
漫道無拘束辜負春光咫尺間

黃紹統字燕勳香山人乾隆己卯舉人官瓊州教授有

仰山堂遺集

張南山曰仰山堂者先生官石城時與諸生講學之  
堂也先生既顏其堂而自署楹帖云爲倫類中所當  
行之事作天地間不可少之人蓋先生  
之志如此然則先生者徒詩人乎哉

杜工部

才士疇能與節俱拾遺忠諒古今無甯甘憂憤名詩史不  
願疏狂學酒徒天子蒙塵靈武困小臣避地草堂孤最憐  
蜀道崎嶇日吟盡窮愁有鷓鴣

邵自華字立巖大興人乾隆己卯舉人官清豐教諭

詩話邵氏科第甚盛立巖兄自昌登高第致通顯弟  
自悅與同榜自本自和自巽自彭先後皆舉京兆其

一爲副車從弟自鎮又與子庾會同榜進士

市遠

市遠人聲少松高鳥語深一官閒似鶴五字鍊如金懶貫臨邛酒常攜中散琴芟荷衣早製何敢負初心

吳顥原名嗣程字仰顥號洛波一號退菴錢塘人乾隆

己卯舉人官遂昌訓導有睫巢詩鈔

詩話退菴者年續學著述甚富嘗輯順康以來杭州先輩之作至其孫仲雲督部編刻爲杭郡詩輯三十卷又續輯四十六卷後同縣丁氏復成三輯百卷蒐采大備皆先河之導也累葉科名人各有集蔚爲浙中族望

同顧寸田游小泉山

玉田有山曰小泉泉鳴石罅流涓涓尋幽那惜雙足繭約客攜酒登山顥石筍玲瓏競奇秀水花感沸爭洄漩枕流

便倚苔磴卧烹茗欲借雲腴煎  
煬來五載住河朔巾車日  
苦風沙撲何當眼底見清流爲我半生洗塵濁  
主人愛客呼醞醪落日銜山歡不足醉中  
棖觸舊名心三十男兒還刺促

婺源溪行

沿山一棹婺源溪行山色蒼蒼  
溪水清擬到黃州說風景小  
茅篷底浪花聲

梁山早發

萬山絕頂白雲端上有行人度  
曉寒他日東歸到平地記  
將辛苦畫來看

春游

輕風吹暝試單衣  
花引游人入翠微  
石路曲盤溪水綠  
春



蟲無數馬頭飛

何明禮字希顏崇慶人乾隆己卯舉人有斯邁草心謂

集愚廬正續集

入峽

夔門穿一綫怪石插流橫峯自雲中出舟從地底行亂猿  
昏月色殘葉冷江聲神女知何處時時雨尙生

吳瑄字元恪號易巒黃安人乾隆己卯舉人有醉月樓

詩鈔

天台風洞歌

我來天台春已暮探奇亂踏天台路山腰怪石聳嶙峋虎  
豹蚪龍僅容步側身更向絕頂行歷盡崎嶇漸坦平危橋  
盡處有奇窟耳畔號呼風作聲山中老人爲余說是名風

洞殊奇絕吹噓四序嶺頭雲解釋三伏懷中熱邀我攀藤  
入洞中蒼松幾樹影摩空洞前芳草芊芊綠洞口山花故  
故紅乘閒偶坐松陰下一枕羲皇正瀟灑倏忽風吹夢漸  
回千層碧澗潺湲瀉長嘯一聲天地清洞門人去白雲生  
何時重與山人約不負松風夢裏情

邊鸞禧字霄芝號枝山任邱人乾隆己卯舉人有就盼  
齋詩

重展子畏觀察遺札

公方唐子畏我愧祝枝山名字前身在分離後會艱讀書  
詞委曲思舊淚潄潄卻指烏臺柏蕭騷不可攀

晚晴簃詩匯卷八十八終

晚晴移詩匯卷八十九目錄

畢沅 十四首

諸重光 二首

王文治 十二首

劉權之 二首

曹文植 六首

金士松 三首

童鳳三 五首

王中孚 一首

張嵩 一首

孟超然 七首

姜錫嘏 二首

吳泰來 九首

吳璜 四首

陳奉茲 十一首

劉墀 一首

宋銑 四首

吳楷 三首

折遇蘭 一首

鄭熊佳 二首

劉謙 四首

沈啟震 四首

王宸 三首

李萬青

三首

張眉大

三首

張五典

二首

段玉裁

二首

秦武域

六首

申兆定

一首

孫理

六首

祝喆

十首

王奇士

一首

郝仲成

三首

芮熊占

五首

晚晴移詩匯卷八十九

徐世昌

畢沅字纒蘅一字秋帆自號靈巖山人鎮洋人乾隆庚辰一甲一名進士授修撰官至湖廣總督贈太子太

保有靈巖山人集

詩話秋帆少從歸愚游以能詩聞天性平易篤於故舊開府西安時愛才下士老友如吳竹嶼嚴東有程魚門門人如邵二雲洪稚存孫淵如錢十蘭諸人咸招致幕中一時名流翕集流連文酒殆無虛日又性好游覽山水爲詩益多且工雅存嘗輒秋帆遺事謂其生平得力處在事事能讓然易爲屬吏所欺蔽卒以是被累於身後蓋德優於才其詩春容大雅亦肖其爲人

贈顧行人抱桐陳堉先生

精力平生盡典墳眼中餘子日紛紛占星絕學推靈憲解字真源衍說文載酒花溪雙屐雨攤書松閣半牀雲吟壇

附錄卷之十一  
簪盍無同輩每話前游感離羣

過穹窿道院

討春遠過神仙宅石級盤空躡白雲松院鶴歸棋未散花  
壇月上磬初聞巡廊徧讀塵牆句別薛閒看石碣文尙有  
山陰劉道士乞書遺教餽鷺羣

題馬和之十八應真卷後

冰綃幻出貝葉紋南渡侍郎留手痕莊嚴自在應真像筆  
尖所到神變存境幽林茂果何處無乃舍衛給孤園兩兩  
迦陵相對立半天紅射扶桑暎一人左右手作印蒲團跏  
趺依修禘寂默身披安陀會玉衣萬年一念忘勞煩一人  
兜鉢兩龍出九霄蚺蟻相騰翻四人旁觀齊仰首喜者失  
笑驚者奔橋外小亭映深竹中有一人白佛言五禪九定

十回向似將各一疏真源崑崙侍兒捧香篆羯布羅

龍腦香

氣何氤氳花間石榻綠熊褥一人熟睡無朝昏津梁若疲

豈神定何以滋茂精進根一人入定等枯木旁有怪立頭

如龜胸除諸魔久調服作此伎倆徒殷殷一人持經默自

課龐眉權頰清而敦至人不染文字相三塗八難具堪焚

阿輪迦下無憂花樹也三人坐共觀圖卷相評論六種震動證

神力普示閻浮解脫門侍兒旁持鉢塞莫數珠也心有所悟

手自捫一人右肩獨徧袒手振錫杖湧慈雲八萬四千母

陀臂徧與一切接引恩兩人跣足對戲水水流赴石聲潺

湲驚濤不敢近衣角化作萬道明珠噴有時捉出水底月

將來貯向琉璃盆獻珠龍女凌波立飄飄委佩從風掀雲

鬢霧鬢態綽約翩然抗手如鸞鷲一人稜稜瘦露骨猛虎



弭耳身旁蹲情與無情俱已泯異物可撫同家豚昔人作  
此豈無故迷途苦海多愁怨特開生面留宇宙憑仗佛力  
爲牽援若云諸相本無相髻成德安胸已文現出簷葡色  
世界是空是色誰能分沈檀匣盛錦襍裏寶珠纓鬢垂續  
紛六時懺悔菩提記清磬紅燈禮世尊

秋堂對弈歌爲范處士西坪作

奕游江湖間少穎悟年十三卽成國工百年來稱  
第一高手前者弈師俱遜一籌性侷任俠瀟灑  
不羣游歷都邑士紳急爭致之先祖愛圍棋寒  
不徹君至叟常主子家寓心遠堂之西齋每對  
州中善弈者畢至環觀如堵牆君不甚思索布  
投子初似草草絕不經意及合圍討劫出死入  
之局遂獲大勝眾口嘩呼神色悚異噴噴稱爲  
全獲金無算垂手散盡囊中不留一錢時子甫  
齡隅座旁觀偷閒與之弈君讓子三子嘗云子  
從子學可至次圍手先之君恐失學時  
時禁絕之遂作秋堂對弈歌以贈

明軒洞豁筠簾遮眾賓環堵且勿譁東西對壘建旗鼓  
圍方局無參差五嶽不動四目動死灰槁木形神悚冥茫  
淬厲鍊心兵多算少算務持重戰國縱橫術細論車箱井  
欄舊譜存日月九天黃赤道風雨八陣死生門初投數子  
絕跬步中邊錯落星辰布玉滋霞島冷煨殊手落紋楸後  
先互俄焉兩敵漸紛爭虛堂殺氣宵騰騰每於袖手旁觀  
暇如聽金戈鐵馬聲暗伏明挑先冥索出人神鬼煎精魄  
九邊飛角取遠勢一著攻心乃上策淮陰將兵信指揮鉅  
鹿破楚操神機塵戰昆陽雷雨擊虎豹股栗屋瓦飛鳥道  
偏師方折挫餘子紛紛盡袒左忽訝奇兵天上來當食不  
食全局破虎鬪龍爭古戰場贏顛劉蹶勢靡常到底輸贏  
歸小劫爛柯人已閱滄桑坐隱仙家藉養性君今海內推

棋聖奇童爭並鄰侯稱常勢真堪積薪競元玉文犀照短  
檠眼中成敗最分明夜半局終涼月上滿窗花影覆空枰  
嚴秀才冬友長明過訪山園留宿畫船塢論詩  
妙眼觀自在斯祕何人啟由來萬象態蕭然入隱几傳神  
阿堵中屈指無數子請看天籟聲皆從蘋末起

登鍾山放歌

黃金嬴政此處埋雙峯並峙高崔巍蜿蜒如龍互起伏未  
飛騰去需風雷江城春來一夜雨侵曉綠滿三山街我來  
赤足踏龍背俯視諸嶂羅陪儻天風浩浩聲不息萬里吹  
我襟懷開茫茫往事不可問但見江水明滅雲中來當年  
蔣尉逐賊處時露遺鏃封莓苔偏安割據俱已矣酌酒往  
勸長星杯遙憶南朝全盛日金蓮玉樹供歡哈君臣夜宴

期盡醉高燒熾淚紅成堆銅壺漏滿夢未醒海日光早升  
罌恩千門萬戶落花裏管絃到處飄樓臺長江一旦鐵鎖  
落石頭又見降旛排至今惟有舊時月城下相送寒潮回  
周駟棲息地故址生蒿萊吏隱兩寂寞千載遺嘲談君看  
謝公何磊落出處總繫蒼生懷園碁賭墅若無事談笑已  
報除昏霾兒輩成功安九鼎登臨絲竹常追陪閒值枯禪  
論優劣北山未抵東山才

許丈竹素

廷錄

枉顧心遠堂淪茗論詩且訂城南看

梅之約得句奉贈

踏遍東華十丈塵投替暫現宰官身雄心任俠猶談劍老  
手登場擅斲輪芳草情懷詞一卷梅花時節酒千巡扶鳩  
直立煙霞骨始信青蓮有替人

鷲峯寺觀旃檀佛像作

幽州古招提只瞻慧日相幾經龍漢劫依然尙無恙似現  
不壞身來詮祕密藏千花擁雲龕九龍盤玉帳容光若雪  
海晃朗不能望聞昔日健連運神攝巧匠三返忉利天審  
諦始營剏坎坎伐檀聲人天悉和暢相具三十二莊嚴絕  
依傍仗茲接引手拯溺迷津上皓月臨太空萬川皆一狀  
視爲身外身所見卽孟浪文殊本無二焉用辨真妄試參  
光明經一空生滅障八難暨三塗種種可尊尙我擬謝塵  
羈初地早同向買取鷲溪絹繪此勝鬘樣石堂梅萬株香  
火長供養非徒煩惱除兼得壽無量海山潮音中松雲一  
鶴放

天慶宮觀劉鑿塑像

北方塑設技最工阿泥哥與劉元同惟鑿成佛亦妙手遺  
像尙留天慶宮入門肅客兩道士啟鑰導我廊之東三間  
配殿制輪奐靈衣羽扇瞻仙容有元及今五百載黍離板  
蕩一再逢土偶豈有金石固歷劫不受兵燹攻依然髹質  
獨完好豈非呵護邀神功當年絕藝稱祕監歲月雖遠精  
神通道園別有正奉記是鑿非元甯相蒙君不見陵川集  
語可證誤四賢祠內先有劉鑿塑或疑鑿與元音相近而誤考那陵川集燕四賢祠有劉鑿塑像是鑿別是一人著  
名在正奉先析津日記辨之甚詳

余性愛琴某山人有舊藏古琴四其最佳者爲趙松  
雪故物許自南中攜贈詩以速之

古音不作古器亡寶琴百衲無輝光江關老屋風雨夕七  
條瘦玉淪微茫山人家住橫雲麓一生消盡清閒福明徽

妙手發奇聲成連海上傳仙曲別鶴離鷗調不聞雪絃寂  
寂網輕塵前年挾策走京洛相逢一一爲吾陳云是家藏  
琴有四一有有元至正年間識蛟脣蛇腹鳳皇絲背篆猶  
銜松雪字中抱泠泠太古心王孫秀邸寄愁深憑添南渡  
滄桑感彈徹西臺慟哭音琴是人非歲復月浮雲柳絮飄  
空闊縑素流傳半劫灰五百年來賸此物予愛琴德通琴  
聲點點寒星纖指橫若將焦尾遙相贈便是中郎無限情  
玉軫孤桐分一片柳家雙鎖人難見梅花淡月隔江南莫  
負秋堂紅石薦

送王夢樓同年出守臨安

滇雲驅五馬控制及雕題壯士歌黃鵠才人賦碧雞心依  
珠斗北夢杳玉河西影事隨鴻爪輕痕印雪泥

少住終何益分襟倍黯然鼎占折足象花斷並頭緣

時持戒律

甚

嚴詞社彫顏色歡場寂管弦登樓慵悵望人遠夜郎天

惜別翻愁聚重逢在幾年蘭交風誼重杏籍姓名傳徵逐  
人三五分攜路八千升菴遺韻在花髻說前賢

麗藻爭春發優曇香影分蒼山屏石畫洱海墨池雲奉佛  
生前慧工書海外聞花前及酒後事事總思君

諸重光字申之號桐嶼餘姚人乾隆庚辰一甲二名進  
士授編修歷官辰州知府有二如亭詩集

上巳日飲平瑤海確齋桃花下

茶竈粗成一室寬虎坊橋北舊層欄庭空差可容嘉樹花  
好還疑笑冷官上巳風光春未老中年絲竹感無端枝頭  
又照纖纖月香霧迷濛覺晚寒



趙雲崧同年移寓裘家街卽海昌陳文勤公邸第也

三年前予曾寓此賦贈

閒坊老屋記平泉占斷城南尺五天卜宅難於田二頃徙家竟似歲三遷何妨渴示馬卿病莫笑貧無趙壹錢載酒門生來問字可容絲竹列彭宣

王文治字禹卿號夢樓丹徒人乾隆庚辰一甲三名進

士授編修歷官臨安知府有夢樓集

王西莊曰先生詩如蓬萊圓嶠五城十二樓宏麗已極而舟不能至惟望見之

姚惜抱曰君少嘗渡海至琉球琉球人傳寶其翰墨爲文尙瑰麗至老歸於平淡其詩與書尤能盡古今

之變而自成其體君嘗自言吾詩字皆禪理也

詩話夢樓書名當時與劉諸城頤頤有濃墨宰相淡

墨探花之語蓋以風韻勝也罷官後高宗南巡至杭州見其所書碑賞之中朝故舊勸其再出不應晚喜聲伎而禪悟超然故詩亦返虛入澗非復才人綺

語

送葉書山先生歸里

懷抱異時俗居官亦隱淪廿年依襟闥屋舍如荒村門前  
秋草長日夕聞蛩喧尙餘萬卷書開函對古人時得愜心  
句還招賤子論

東平道中見曹竹墟辛巳題壁詩卽次韻寄之

前年風雪中送君還鄉里今年暮春天別君鳳城裏單車  
走滇南中道靡所止東西感鴻飛歲月驚馬齒舊時歡讌  
深離索復於此他年再相見鬚鬢可知矣努力供奉班圭  
璋式朝士

游顧龍山

偶然慕邱壑出郭遵溪澳行行不知遠遂以窮山谷山色

荒逾秀水容寒更淥高松墜殘雪凍雨灑幽竹古殿閉苔  
深孤塔留雲宿日暮紅霞起晴光泛波縠漁舟天末歸鳧  
鷗相與逐悵悵旅人懷古傷幽獨

常熟顧氏芙蓉莊紅豆樹歌

芙蓉莊前紅豆樹風枝雨葉數百年素花冉冉露垂地朱  
實離離霞照天清陰閱世渾如仁何人垂老開亭榭宋玉  
家教庾信居謝安墩許荆公借當時小劫換滄桑滴目興  
衰弔夕陽宰相名園荒綠野將軍大樹撼青霜可憐才望  
傾山斗璧月歌殘人白首婆娑屢顧東陽槐悽愴還攀漢  
南柳見說高秋張管絃相思子綴畫欄前我聞室裏拈花  
女親與維摩薦壽筵二十年來苦兵馬那得紅芳迎玉笋  
諸天應是厭菱花香雨重飄新好者稱瑞題詩引貝多供

雲不數曼陀羅還將剩水殘山恨譜入烏絲紅袖歌秣陵  
飛散春江燕煙條凋盡靈和殿誰知南國女兒花堪補東  
吳耆舊傳物換星移幾番春繁華回首又前塵豈惟宮闕  
餘離黍廢苑都應愁路人絳雲一炬遺書了此樹亭亭亦  
難保菊徑曾經紀義熙草堂空自談天寶東風吹喚入山  
城聞道孫枝昨更生何日繁葩滿春晝金尊檀板聽鶯聲  
荀崖月夜聽徐傅舟彈琴

大海無人處月明生暗潮孤琴時一奏白露下層霄夜靜  
水逾淡秋涼天更遙鮫人如解聽清淚溼冰綃

伯牙琴臺

伯牙千載後猶自有琴臺秋水淡無際暮山相向來日余  
有千曲欲奏心徘徊但恐無鍾子素襟誰與開

修禊浮玉山亭懷李琴夫

天桃三月紅雨飛水邊修禊春風微采蘭仕女青玉佩折  
花郎君白袷衣接天草色日將夕滿路鶯囀人未歸記得  
去年山酒熟一樓明月詠芳菲

倉卒

倉卒征南下碧油初間衽席過貔貅服牛未定輸糧策縛  
虎先爲入穴謀豈料空拳真遇敵當時一飯勝封侯星橋  
火樹張燈夜羽檄飛馳正未休

屬草真傳用左徒登壇高議日紛如漫言蛇鳥親臨陣已  
覺螳螂敢抗車虎旅不遵孫武約鯁生原誦趙奢書夷酋  
一隊翻堪仗娘子孤軍直擣虛

蘭池笠鼓舊聲名一肯何嘗替孟明軍政纔聞誅後至將

星忽報落前營九龍移仗邊風急雙鶻橫霄塞草平可惜  
希文窮塞主長天落日閉孤城

練光樓小集

偶借春光一倚樓頓令才士感前游十年殘夢俱鴻爪萬  
里歸人乍白頭流水無情終惜別名山有酒便消愁拂衣  
更向滄江笑何處雲天是十洲

安南國貢使阮輝燿登岳陽樓有句云霧借山光吞  
去鳥客從鏡上數歸漁頗覺新雋阮安南探花也  
淡雲微雨朝鮮使去鳥歸漁交趾才我是中朝舊供奉江  
湖白髮首重迴

劉權之字德輿號雲房長沙人乾隆庚辰進士改庶吉  
士授編修官至體仁閣大學士諡文恪

涇縣道中

綠影埋天地濛濛望不窮  
路隨青嶂合徑入碧雲通  
野鷺淒煙白山花夾路紅  
衣衫疑暗溼出沒翠微中

過琴溪

聞說琴高鯉今過躍鯉溪  
奇峯含古秀小洞護靈棲  
采藥來松下成丹去水西  
何時歸鶴馭橋柱倩新題

曹文植字薺原一字近薇號竹虛歙縣人乾隆庚辰進

士改庶吉士授編修官至戶部尙書太子太保諡文

敏有石鼓硯齋詩文集

詩話文敏官戶部右侍郎時旃人海昇賦斃妻以自縊報法司審驗卽以自縊定擬海昇阿文成公之戚也其妻弟復控檢驗不實上命文敏與伊齡阿覆驗得殿斃狀論如律時和坤方欲借此案傾文成大喜卽密奏曹某可大用立擢戶部尙書後文敏知爲和坤所薦深恥之遂借終養告歸其自守之嚴如此文

飲以文學受主知廣和天章屢蒙褒  
獎詩格雍容和雅亦承平臺閣之音

張灣登車偶成

南人愛舟畏乘馬匪惟畏馬兼畏車車輪觸石聲輾轍震  
耳奚啻晴雷驅不如一葉任掀簸銀濤雪浪衝江湖繫子  
北行四千里今日艤棹登車初平生經歷所未慣童僕感  
縮吾酒如物情世態看爛熟遭際隨分足以娛紅塵茫茫  
陸亦海風波欲作何地無心空不涉分別想九折之坂皆  
坦途試觀舴艋日隨海鷗泛薄笨亦駕吳牛趨扣舷執鞞  
各有適燕歌越唱互答安有殊

題講梅兄躬耕養親圖

講梅山中仙曾逐岫雲出雲歸人未歸望之心紆鬱邗溝  
足治游毋乃遠親膝駕彼青驄馳何如黃犢叱吁嗟少年



場輕薄狎邪佚竹西吹瓊簫蜀岡挾瑤瑟座中歌舞歡堂  
上甘旨缺往往朱門家不及五畝室

春雨飛綠畝春風生翠微密林匝濃陰載及扶犁時胼胝  
事耕作筋力遑云疲破曉荷鋤去薄暮驅牛歸歸來未停  
足沽酒佐晚炊陶然得新釀歡笑娛親闈老人問田事告  
以春水肥溫顏顧之喜一傾匏子卮

農人苦無田未盡芟柞力我獨胡爲者有田耕不得白日  
易馳西紅塵欲行北強飾游子顏仰慰兩親色每聞布穀  
鳴敲枕常惻惻抱此一寸心恨無千里翼披圖顧柳陰連  
塍綠如織搔首幾踟躕還君三太息

觀音巖

神工不沿襲生面開哈呀彈子磯已險狡獪斯有加巨石

插江表屹立凌雲霞幻作倒垂勢彌望何槎枒蟠蚪露首  
尾渴虎張爪牙寒光偶一閃凜凜懸鑊錐猿狖所不及半  
壁蒼穹遮古洞復誰鑿黯淡臨江涯冉冉蒸水氣羃歷輕  
煙斜或恐匿魍魎亦慮藏虺蛇飛仙庶能度風馬雲爲車  
如何峙層構中有山僧家彷彿普陀石海上橫孤槎快游  
試新險打槳乘短艇飄忽到巖麓曲磴通幽遐洞口已昏  
黑欲入空嗟呀山僧解愛客夾徑燃燭花天光漏一綫西  
向穿窻紗樓閣半無地支以枯木楹有檻不敢倚側足雙  
手又驚隴俯浩渺石齒紛齧齧盤渦與旋沫咫尺千劫窪  
蛟龍此窟宅毋乃時攫拏正容戒僮僕下視聲勿譁須臾  
暮色起津鼓聞三擗篙師理輕楫蕩漾歸平沙隔江騁遙  
睇波影殊清嘉佛鐙照明滅幾點盤神鴉

望麻姑山

臨池少習平原書名山靈迹尊麻姑關河迢遞不可到蔡  
經故宅知有無今年西江奉使節秋風一棹來仙都芙蓉  
萬萼插天表騁睇已覺襟懷舒儻令策杖踏煙月快飲玉  
露餐雲腴一雙塵足苦纏縛咫尺仍復千里如橋通三峽  
自矸碑杉列七星猶盤紆清音往往下鸞鶴聞有雲馬驅  
風車仙人詎必吝麟脯俗子自欲沈泥塗酒帘競署麻姑  
字一甕空向街頭沽

金士松字亭立號聽濤吳江人乾隆庚辰進士改庶吉  
士授編修官至兵部尙書諡文簡有喬羽書巢詩內  
外集

天台山萬年藤杖歌爲宗伯沈歸愚師作

先生昔日游天台，搜剔巖穴煙雲開。山僧持獻萬年古藤杖，云自仙靈窟宅之中來。赤城峯高人迹絕，澗道陰崖積冰雪。蒼龍抉爪出重淵，化作靈根裏山骨。烏飛兔走無春冬，蜿蜒千尺盤青空。媧皇鍊石樵採偶不到，烈山反火留蒙叢。何年卻入良工手，割鬣刪鱗號靈壽。頓令屐齒滿江湖，翼德扶耆功不朽。黃山雲海連天都，芙蓉削出匡君廬。莫釐縹緲日相望，青山一髮非模糊。一從此杖隨行囊，鄉夢時時到邱壑。掉頭倦直承明庭，擬謝吹藜校書閣。承恩詔許歸東山，白鹿宗風閉講筵。春花秋月閒乘興，桐帽棕屨稱往還。前年謁帝來行殿，特賜扶筇侍清宴。優老兼陳稽古榮，孔光卓茂何須羨。葑溪丹暝流春溶，菖蒲繞屋花紫茸。赤松子黃石公羣仙抗手迎，雲中杖兮杖兮爾仍騰。

擲變化爲蛟龍三山五嶽汗漫相追從更歷年歲無終窮

居庸關歌

居庸險絕天下無右枕山海連飛狐關溝直上四十里龍  
蟠虎踞環中都拔地雙崖通一綫班班車馬穿雲見飛流  
激澗落松風關門咫尺陰晴變迢迢南北圍山城胡沙極  
望雙眸明桑乾榆林遠鉤帶雲中上谷開藩屏斥堠高低  
不知數云是前朝用兵處漢家天子昔蒙塵因向雄關議  
增戍增戍添兵二百年高牙大纛稱防邊暫見和親通瀚  
海旋驚烽火照甘泉可憐百道勤王集漫說三關堅壁立  
中夜監軍掣鎖降反使開門揖盜入吁嗟乎始知從來天  
險不足憑無德易亡有德興真人紫氣起遼海電掃六合  
驅燕恆依舊崇墉等鑄鐵亭堡沿山補荒缺親見班禪向

化來西天萬里尋車轍居庸關前白日秋居庸關北黃雲  
愁行人下馬看山色回首神京天際頭

南唐官研歌用東坡墨妙亭詩韻爲鐵冶亭侍郎作

研爲歐陽文忠故  
物覆手有公題識

歐公昔貶官夷陵少年意氣殊飛騰上書偶觸司諫怒一

擊不中鞬脫鷹攜持此研隨行篋五鹿折角猶藏棱識云  
官夷

陵時折其一角摩挲廿載歷禁近直學都尉銜條冰款署皇祐三  
年龍圖直學

土鈴印曰輕車都尉蓋距公  
官夷陵時已二十二年矣傳聞南唐初置監山骨鑿鑿

深淵憑蒼龍扶爪洩地脈牛後詎辱端溪憎玉蟾蜍滴易

水墨澄心堂紙欺霜繪淋漓墨瀋日千幅想見建業文房

登侍郎耽書更嗜古寶研每出誇良朋細書藏鋒螯秋蚧

草訣掣筆蟠寒藤鳳池右軍  
研曲水大令  
研卽此是千秋義獻

新傳鐙徵題墨本逮下走竊羨仙舟附李膺

董鳳三字梧桐號鶴銜浙江山陰人乾隆庚辰進士改庶吉士授編修官至吏部侍郎有慎獨齋吟牘

漢武

云亭七十紀空傳方士祠官溯漢年玉塞纔聞來苑馬珠  
江早報下樓船景光夜氣燒金鼎平準秋毫殖貨錢至竟  
輪臺見英武富民封後不開邊

塞下曲

幕卷黃雲透角聲沙移斜日上空旌可憐白草多情緒偏  
向征魂骨裏生  
雲撓金距新蒼鶻草奕瓊絲老白駒春意只今無遠近玉  
門輕發數枝花

重過黃梁祠

傑閣危臺架紫煙探奇誰向次寥天也知說夢還成夢可  
許求仙便得仙國到華胥終杳渺事如蕉鹿亦因緣多生  
爲問情何著辛苦春蠶欲再眠

題黃石齋先生手書詩冊

莊烈事猜忍操切惡強諫宵小伺其隙立朝不容善漳浦  
凜清修忠佞亟所判投荒分固宜再起心猶面材大用終  
難時窮節始見陵微社已墟草澤兵徒玩間關閩嶠棲詎  
異崖山竄披榛署臺閣募市充組練巍巍大將旗居奇竊  
觀變掌上弄孱主籠中繼俊彥憤激感重臣呼天淚如霰  
燿火光末豆弱絲引纜綫闌圍防颺風瞬息虞刀箭滅絕  
在須臾死綏不待援亦如螳臂撐甯無頸血濺辛苦出凶



門淒涼白羽扇烏合張空卷曷足當蓬蔓一敗遭繫縲霜

刃目不眩留京故喘噪往事誰塗炭步艱廟弗靈穴殉身

能辦從容投筆餘正氣歸天漢前此梅嶺頭史闕後者榕

江畔瞿闕碧血共熒熒千古星辰爛當其誓墓時愴切松

楸戀夫豈非人情諸子亦在念軀髮一朝捐民彝胥荷擔

遺墨寶人間精芒攝流電讀之感概深臨風再三歎

王中孚字木舟號蓼塘諸城人乾隆庚辰進士改庶吉

士授編修

詩話蓼塘應禮部試舉第一詩溫婉有致晚寒絕句

云風帷絳繡雨窗幽索米長安憶舊游記得年年燕

母幾寒衣從未過中秋蕭然見思親之意

趙北口次壁間韻  
春到中年百感同等閒春雨復春風嘯鳩真是難爲婦黃

鷓鴣從今化作翁豈有鄒生測瀛海枉教楚客問韶融囊中  
萬本金光草燕自西飛水自東

張鷟字鶴林成都人乾隆庚辰進士改庶吉士授檢討  
有鶴林集

送顧息存大廷尉册封安南

平明捧册下青霄桂郡珠崖道路遙秋去黃花迎使節春  
歸楊柳映征鏢百蠻碑版傳荒服三殿泥書降聖朝載得  
聲靈通萬里論功應不讓銅標

孟超然字朝舉號瓶菴閩縣人乾隆庚辰進士改庶吉

士歷官吏部郎中有瓶菴居士詩鈔

符南樵曰梁茵林中丞嘗言瓶庵先生詩不規規於  
古人而絕似中唐人吐屬其病中雜詩云殘燈無燄  
坐沈冥故友追思淚欲零莫望夜來還對雨劇憐曙  
後有孤星平生册膽真磨劍後死文章愧汗青三復

子由腸斷句山陽鄰笛不堪聽又秋蟬云汝性最高  
潔應無日暮愁奈何不結舌及此鳴高秋其清音沈

調類

如此

詩話瓶庵歸田後主講鰲峯書院十餘年教士以朱  
子之學爲歸詩和雅而有遠致不墮理障七言近體  
如爲人題觀我圖云夢蝶漆園吾喪我舉杯太白影  
隨人書趙秋谷飴山集後云酒失略如蘇子美琴聲  
猶憶董庭蘭隸事工切  
意度邈然皆佳句也

寄閩清陳大章奎

方塘鑑明月餘照攬盈襟苦憶蘆中士相憐河上吟  
干將  
霄漢氣松柏歲寒心一棹梅溪便遙情江水深

越王臺

岩堯宮殿暮雲開指點東南出霸才逐鹿天歸炎漢去釣  
龍人自大江迴千年廟食仍王后終古英雄起草萊伏臘  
雞豚舊閭里靈旗莫拂怒濤哀

秋日游道山石室懷古感舊得詩

十二年前此樂羣石牀蘿徑葉紛紛死生慙負延陵劍篋  
筍空存艱下文山色茫茫看落日秋陰漠漠但寒雲道山  
亭卽山陽路鄰笛淒清不忍聞

應山弔楊忠烈公

顧命當年一諫臣移宮事變早批鱗願除曹節扶沖主能  
死陳蕃坐黨人北寺一時沈白馬中原他日愴黃巾封疆  
門戶同漸滅遺恨空留楚水濱

作家書

勉強報平安欲書還遲遲行者馬已秣安得罄其私寄信  
謝行人歸去到茅茨但言顏色好不異去家時遠游事多  
端勿使衰親疑送君上馬去我心君應知

過石柱境上弔女將軍秦良玉

女將軍秦良玉石柱司統荒服渝州城門晝不開渝城狼藉皆血肉判官胡廷表走效秦廷哭女將軍師爲出大戰二郎鬪身不辟矢鏃黃來兒何荼毒女將軍幾先燭督師楊閣部乃驅賊入蜀中丞見事晚傷哉同顛覆一戰羅汝才矯矯奪其纛天生女將軍英姿古所獨養賊自重伊何人奇男子勇有餘忠不足君不見左將軍亦良玉

答客問

一入煙蘿歲月深雲泥無暇計升沈笑他姚合饒詩思除目看來損道心

姜錫嘏字爾常號松亭內江人乾隆庚辰進士改庶吉

士歷官禮部員外郎有皇華詩鈔

水口驛登舟

山川圍海國形勢最稱雄老樹孤雲外輕舟亂石中霧濃  
疑有雨灘響不因風清絕知何處還看橘柚紅

古北口

嗟峨山勢絕躋攀一綫梯懸碧落間大漢風煙連雁塞雄  
邊鎖鑰控魚關灘聲怒激千層浪風氣平吞萬仞山海嶽  
昇平無戰伐戍樓長對白雲閒

吳泰來字企晉號竹嶼長洲人乾隆庚辰進士壬午召  
試授內閣中書有硯山堂淨名軒諸集

惠定宇曰竹嶼詩凡三變其始清真古澹直是王孟  
繼而栗姚跌宕沈鬱頓挫彷彿少陵太白久之而絕  
去標榜渾成蒼秀遂能  
不名一家而兼擅眾美  
詩話竹嶼家木瀆有遂初園亭林園籍與吳越諸名  
宿流連觴詠於其中詩取法漁洋意致蕭閒才情明

秀王蘭泉謂吳中數十年來自歸愚宗伯外無能分手抗行者

十八盤

蒼崖破天根壁立生萬象丹梯垂鐵鎖猿鳥不敢傍天關  
鬱嵯峨風雲日摩盪仰穿但壁削俯視驚潏潏孤松倒干  
尋天矯忽奔放飛泉劈陰崖石角皆怒向凌虛步彌跼造  
極神乃王冥思真宰理雕鏤窮異狀遐哉七十君靈跡空  
想像云亭尙崔嵬簡冊應淪喪吾將採瓊蕤高卧觀疊嶂

虎山夜泊

月白江氣寒秋波澹容與征帆投遠村哀雁尋荒渚惟見  
打魚人隱隱煙中語

吳越王廟歌

異人初起天目峯金戈百戰揮羣龍羅平妖鳥一朝盡幾

我王業錢塘宮紇千山頭凍雀死碭山小民作天子丹書  
鐵券渡江來尙父空名真足恥惜哉不用羅江東交臂事  
賊非英雄子孫相承六十載落人掌握何怱怱當年萬弩  
射濤處鐵幢高聳樟亭路英姿颯爽已千年至今吳越蒙  
安堵吳越江山總寂寥錢塘宮闕草蕭蕭荒碑猶立表忠  
觀古祠空對浙江潮潮生潮落悲今古運去時來何足數  
一聲白雁下江南臨安又作降王土

天井灘

五里間灘聲驚雷聒晴晝行人戒碇楫欲往不敢驟黃緣  
涉葭葦倏忽抵巖竇洪濤傾山來萬竅各奔湊仰窺若建  
瓴直上比縣溜石如癡龍蟠水作外蛇鬪中流入盤渦震  
蕩幾致覆馮夷憫其勞靈風幸相佑千搖遂出谷迴波帶



清漚長年顏始開鄰榜曲已奏迴思路奇險失足那可救  
停橈一長吟久客悲老瘦

橫石

出險復入險目眩心長搖滄江忽一束巨石當巖嶽槎枒  
藤外捲竅穴風中號急流亂澎湃眾水喧噉嘈衝波走逆  
浪百丈連山腰來舟如輕鳧瞥眼不可招冥冥入暗谷颯  
颯聞悲猱嗟哉造化奇設險非一朝我聞垂堂戒胡乃輕  
鴻毛作詩招征魂日落風蕭騷

送沙斗初渡江

經年離別楚天遙重向河梁折柳條八月涼風吹早雁一  
江秋雨送寒潮西津雲樹帆初落南部煙花恨未消想到  
蕪城懷古地愁人無那廣陵簫

宿水竹居連日風雨偶賦短歌簡黃芳亭趙升之

花南老屋吹春風辛夷欲謝天桃紅平隄水漲野煙合柳  
塘陰雨愁濛濛林深無人掩茅屋棐几湘簾淨塵俗幽禽  
隔竹一聲嘯芳草當階幾叢綠閑窗坐對一樽酒苦憶南  
村素心友著屐衝泥興不辭傳書折簡情何有流光拋人  
春可憐城西水榭花連天錦屏繡幙看不足青林幾日聞  
嘯鴟今年花紅不相覓來歲花開定相憶煙波千里兩愁  
心君住江南我江北

題姚雪軒吳山晴翠圖用東坡煙江疊嶂圖韻

浮巒暝翠江南山白雲半化青林煙人家歷歷住厓谷小  
橋茅屋村依然柔枝低壓採樵徑落花亂點春巖泉青溪  
萬轉深不測錯疑路入黃花川上方樓閣空翠裏松杉明

滅斜陽前吾廬窈窕在何處堯峯一角青鏡天客游到此  
忘寢食毫端墨妙爭清妍五湖咫尺在眼底何不歸種香  
溪田君不見雪軒當日官沅口瀟湘風景過三年蒼梧雲  
低天漠漠斑竹雨暗春娟娟自從拂衣林下隱近已抱犢  
山中眠畫禪書聖兩無敵芒鞋入市稱癯仙此圖示我良  
有意結習未化終前緣作詩寄與訂後約他年爲我重寫  
陶令歸來篇

輓李客山徵君

少微星掩碧天空蒼舊彫殘此日中一代文章傳倚馬百  
年心跡寄冥鴻身藏人海何妨隱名列儒林未是窮悵望  
青山埋骨地要離冢畔起秋風

吳璜字方甸號鑑南浙江山陰人乾隆庚辰進士授戶

部主事改官湖南澧州知州金川殉難贈道銜有黃

琢山房集

詩話鑑南爲商寶意之甥從之學受詩法律句和雅  
蘇麗一以寶意爲宗一時名流多與酬唱仕宦不得  
志從軍授命舉秋  
帆制府爲刊遺集

寄懷商鳳池都中

去年風雪上長安節序驚心又歲寒  
共道此間居不易須知我輩事尤難  
懷珍舉世輕和璧紉佩何人擷楚蘭  
同是天涯淪落客尺書鄭重勸加餐

歲暮書懷次寶意舅氏韻

隨風袞袞輭塵埋嬾上摩肩十二街  
故里何堪長作別殘年且住亦爲佳  
尋巢那省禽思越失性眞同橘渡淮  
惟有東皇如舊識探春先製兩芒鞋

世家慚愧舊延陵除卻傭書百不能坦率科名遲宋濟粗  
豪湖海負陳登酌椒此夜招鄰叟煨芋他年問寺僧莫道  
寒窗清課少半句束筍近詩增

塞下曲

萬里紛飛檄千軍正荷戈重陰藏白日濁浪渡黃河烽火  
燉煌部牛羊勅勒歌漢家威德遠未許郅支和

陳奉茲字時若號東浦德化人乾隆庚辰進士歷官江

甯布政使有敦拙堂詩集

姚惜抱曰東浦作詩專法杜子美論者謂樸厚之氣  
殆足媲之 洪北江曰陳方伯奉茲詩如壓雪老梅

嘔強

詩話東浦官蜀最久詩亦以蜀中諸作爲最勝江山  
風土足以發其才情而無浮聲囂氣惜抱以樸厚推  
家之洵爲知言此作  
家之異於才人也

江上迴望香鑪峯

匡廬轉迢遞香鑪秀孤峯色立寒氣正情留去人濃東林  
初識面上流若爲容始知孟襄陽表此開奇胸江豚動浮  
日渚鳧會晚風落木楚塞闊權歌巴船逢家室幸得將桑  
梓猶懷恭草堂戀宦轍況有籃輿蹤登艫眺旣切陟岸眷  
彌重蒼然水煙渺曾是歸雲封

峽內

落石猿猜舟冥冥峽向夕月依斷崖高天曳寒水窄脩蛻  
挂虛景蟄雷殷峻隙太陰無錯雪皇古已勞劃但覺相高  
競豈知入幽坼白帝迷所居神女牽感迫忽然燒絕壁慘  
淡屯雲赤人火徑不通落霞嶂已隔吁嗟何物爲作此奇  
異迹夜夢屢驚泣舉家畏途客

夔州府

日斜孤帆曠夔城始在地渡頭散人聲山色低鳥翅不知  
江未束誤謂流已肆雖殊安土情似緩驚波意入舟慶老  
母出舟窮遠視西知天有餘東望峽已闕卻問灩澦堆長  
年煩指示奇姿混黛色少小知名字失之晚飯間頗自嗤  
俗吏無心計象馬且喜蜀道易

又過博浪鼓山

宦轍迢遙去不歸頻來絕境趁斜暉天垂地底根皆見石  
上雲端骨欲飛頓轡長鳴猶馬力揚旌獨戍亦兵威書生  
得此殊榮幸何怪人言貌尙肥

過相嶺

相嶺行多異見聞朝來新霽昨雰雰素輝細裏千林凍赤

氣微含百變雲旬日返歸誇列子殘年高卧憶匡君陰山  
老馬餘知道會逐驂驩立戰勳

康觀察於睢甯風虎山建周忠武將軍祠二十韻

勝國亡無待將軍死卽休乾坤空百戰河嶽獨千秋入伍  
知兵法觀時料王憂長蛟除豈盡細柳備何由南八無完  
指巖顏有斷頭臣心猶一木世事已浮漚共命鸞皇奮全  
軀狗彘偷降牋爭納賊厲鬼不忘讎妻氏傳蒙古家山著  
錦州本兼捐馬革遑復記狐邱蕩水岳祠舊解梁關祀修  
招魂有凡例數典尙旁搜風虎標新境鄉人說故侯鬚眉  
存畫軸骨肉譜方輒此地知深戀陪京不遠求高皇有陵  
寢先世且田疇立廟逢觀察爲文表僻幽河雲承大樹睢  
水薦寒流孤豕猶存代仙蹤或遇留歌詩將侑享應識往



來游

大蓬山次前韻

人聲寒在澗雲氣落當岑  
明日定山雪一家惟石陰  
疲嘶從吏馬飢坐晚林禽  
聞道棉收薄無衣卒歲心

百丈關

東南一扇屬兵曹洞達重門  
樹色高天擁羣峯開棨戟日  
臨寒水偃弓刀山中蜀鐵輪  
船滿市上秦聲得酒豪騎馬  
從容攬形勝千年戍柝亦須操

千佛巖

神功誰所聘劔鑿到穹石造  
天千佛青無地一江碧虛界  
獨安立征途挂今昔龍門題  
傳訛石櫃詠可釋不知何處  
聲長嘯蒼崖劃雷雨春倒懸  
淵泉夜開坼孱蒙質所稟謂

御性乃宅伊余爲此縣敢憚凌鳧局

郭有道墓碣

碣旁有漢槐一株

後死中郎愧平生孟博哀人師真不忝名士得無災寥景  
冥汾雁清風出漢槐崢嶸標片碣應後介山頽

裏塘寓舍

儘堪晚起無人處苦迫衰年少睡時晴散雪花看漸密夏  
生春草意猶遲殘編熟盡還相對蠻語通多總入詩萬里  
淹留問心迹夢迴地下老親知

劉樽字象山號松坪諸城人乾隆庚辰進士改庶吉士  
歷官江甯布政使

十一兄得講官喜贈

戴憑奪席仁知名早見除書下玉京三殿委蛇新學士一

經教授舊儒生茶分小鳳春香泛槐舞雙龍午蔭清中祕  
徧窺勞夢想願從東壁借餘明

宋銑字小巖吳縣人乾隆庚辰進士改庶吉士授編修

歷官衡州知府有靜永堂詩藁

詩話小巖仕途坎坷而詩境和雅無牢騷哀怨之語  
題講易圖有句云閱世方茫茫返躬獨惴惴習坎義  
恆懷視履境常累劉雲房相國極稱之

登五層樓

百尺危欄捲蝦蟇蒼茫遙俯嶺西東簾前寒入千門雨檻  
外陰生萬里風黃紫氣銷江色淨魚龍影落海天空趙劉  
割據俱陳迹指點山河霸略雄

送唐再可之任滇南

再可于役萬里留滯兩年旅況  
蕭瑟幾無以自存幸而得行詩

以送之中間  
皆實錄也

春風浩蕩吹百草柳條婀娜鶯聲好行人三月長安春相  
思萬里昆明道昆明遠隔浮雲端鐵橋之嶺何巘岈橫空  
一綫盤鳥外懸繩欲度愁飛鳶嗟君何爲此遠適官程期  
會嚴暑刻匹馬荒林象跡深空山獨夜龍吟急水驛山程  
幾送迎行行瞬息春秋更點蒼山翠多猿嘯普洱江寒少  
雁聲卻意前年見君日同雲釀雪風蕭瑟一官絕徼何所  
攜萬里風煙歸健筆長安磊落多心知淋漓談讌無虛時  
檀板落花春中酒烏絲紅燭夜評詩緇塵久客愁如海豪  
情不逐黃金改高歌那識爨煙虛拂劍仍看虹氣在丈夫  
苦樂亦何常揮手休辭路阻長治蠻自古貴遠略請君小  
試龍泉芒

和蔣六澄川韻

天意重新霽人情愛順風似償三宿滯直下曉煙空水市

雞豚散高隄榆柳通最憐霜信早衰草已叢叢

泊頭曉發

落日明飛鳥歸人趁渡船孤城帆影外霜角暮雲邊漲減

平沙闌天寒野蝶妍客程貪利涉沿月下前川

東光

武城縣九日

中秋淡月沙洲宿重九西風小邑荒天地扁舟空命酒關  
河千里有新霜行廚蕭瑟山薑紫入幔伶俦病蝶黃遙憶  
法源松下路故人應少孟嘉狂

吳楷字景儒江陰人乾隆庚辰進士官騰越知州有退

圃集

王蘭泉曰大軍征緬甸軍實所資動需百萬君以一  
知州搆柱其間咄嗟立辦師罷將被薦遽以疾乞歸  
詩篇於息遽中援  
毫立就清雅可觀

楊林驛

古驛楊林路重來十六年斷雲村口寺殘雨海中船歸計  
憐雙鬢秋懷共一天忽忽冠蓋集使節又臨邊

乘風過岳陽樓不及一登感賦

岳陽城郭枕寒流天下江山第一樓雙鬢遠攜蒼洱雪三  
年老傍洞庭秋雲煙每向忙中度筋力都於懶處休後樂  
先憂懷往哲臨風笑我逐浮鷗

侯朝宗有媚香書畫之章中鏘俠骨棱棱四字呂素  
園爲詩以誌卽用其秋字韻

壯悔堂開傍畫樓印章零落有人收柔情小住秦淮月俠  
骨爭高梁苑秋北里桃花歸樂府南都金粉騰風流如今  
又得佳公子大阮詩篇與唱酬

明詩彙言 卷之二  
三  
折遇蘭字佩湘號霽山陽曲人乾隆庚辰進士官揭陽  
知縣有看雲山房詩草

春日雜興柬劉謙齋

金井樓高俯逝波浮雲東望足狂歌一春心事花邊盡十  
載清明客裏過佳句漸如良友少離愁翻比亂山多西坡  
結屋吾將老好待雙旌訪澗阿

鄭熊佳字南翔號蓬山天津人乾隆庚辰進士官電白  
知縣有蓬山詩存

贛州

地界東甌南越閒故將鎖鑰寄通關劃開古郡雙叉水東  
斷中流兩面山老友風姿猶嫵媚故人書札亦爛斑多情  
更有黃梅雨臨別還添綠一灣

東林寺

匡廬山下接東林，曲徑蕭蕭草木森。  
青翠萬峯環五老，玲瓏高塔聳千尋。  
由來勝迹凋零易，自古名流禍患深。  
一撤臬比清議散，空留黨籍未銷沈。

劉謙字記州，新建人。乾隆庚辰進士，有賓曰詩鈔。

暮夜有懷

暮夜四瞻望，煙霏蔽高岡。  
浮雲過微月，野草被清光。  
寒氣厲，淒緊朔風吹衣裳。  
飛鳥尚有息，我獨何徬徨。  
弟兄異鄉縣，焉得共翱翔。  
引領還復入，沾襟涕淋浪。

灘下候風

邁邁夫何如，歲聿其暮矣。  
終日對寒山，聞此灘流駛。  
荒林亂風葉，繁聲悲遠耳。  
夜闌霜天高，悄然長途倚。



四顧何警肅山空起長煙羣響隱不見月明聲在川崩湍  
向予怒悲激毛髮寒天地多險途豈必我獨然

游海珠寺同山陰族弟宸章

蒼蒼海氣羊城低寒潮汨沒清秋時混茫巨石激激灑古  
寺屹鎮飛丹椽我來登此一臨眺滿眼浩渺驚琉璃千舸  
萬艇浮鴨鷺層欄曲檻紛鱗差車馬喧填入都市衣冠炫  
耀奔星馳鬼方之人言服異貓睛閃閃爭游嬉憶昔劉鋹  
擁斯土顧盼左右矜雄姿割據偏安意自足粉黛環列吹  
笙簾此時歌舞惜光景附城百萬登熊羆白日西傾伯氣  
歇花田夜雨狐狸悲杳杳崖門拱岫嶂慘淡萬古波濤吹  
趙氏塊肉舟已覆英魄至今臨海唾寸心那共尺土滅白  
骨獨與蒼天支村落兒童不解事猶能指識三忠祠徘徊

寶閣發感歎疾風颯颯吹星漢沈香浦頭荒霧深古鵝潭  
上餘霞斷宸章謂我試作歌我才衰薄柰若何俯仰萬類  
羈情多吾儕何爲鬱鬱困茲土坐令白日空蹉跎

沈啟震字位東號青齋桐鄉人乾隆庚辰舉人厯官山  
東運河道有慎一齋詩集

讀史

周室旣播遷禮教久不聞迨至戰國時一世無人倫食子  
何太忍殺妻殊寡恩復有蘇季子歸來驕其親但知圖富  
貴天性誰復存所以魯仲連高蹈東海濱

始皇成大業險難疊隨之一死於荆軻再死高漸離三死  
博浪沙四死窘蘭池數死竟不死天意未可知如何更酷  
虐自謂功德魏神山求藥去鮑車畢命時

彭王既爲醢淮陰亦就亡富貴不知退往往召災殃英雄  
自難馭甯恨良弓藏留侯獨見機功成謝侯王願從赤松  
游辟穀求仙方前有范少伯後有張子房

長卿負奇才窮困去鄉里邑宰繆相重富人心竊鄙閭房  
有特識夜奔不爲恥奏賦長揚宮賣酒臨邛市生平可不  
恨乃得兩知己文君一佳人武帝一天子

王宸字子凝號蓬心太倉人乾隆庚辰舉人由內閣中

書厯官永州知府有蓬心詩鈔

詩話蓬心爲麓臺曾孫官山水之區往來瀟湘間故  
其畫別有一種蒼潤之氣非人所及晚年罷官依畢  
弇山制府於武昌以書畫爲生活有句云寫  
幅丹青開換酒每逢佳客便當留可見高志

蒲褐山房圖題句次東坡韻

苦吟咽秋蛩旅夢冷秋雨隘巷白板扉常掩西山霧先生

對門居談言起幽慕老屋擁蒲褐妙解坡仙語花時設芳樽招列戶外屨冰梅入座清恍然釋塵慮烹茶起瓶笙細響疏林度蕭然寄此身隨地得閒處滌硯繪斯圖下筆生遠悟願從杖履游時領安禪趣

庚戌除夕示影山姪

莫嫌舟次逢除夕小集賓朋興亦嘉一盞同添今夜酒雙鐙已報隔年花岸邊送臘聞傳鼓江上迎春望使車惟憶永陽官閣裏相將絃管笑言譁

采藥

行過千山與萬山者回剛得茯苓還白雲繞足家何在日落洞庭秋水灣

李萬青字子中號南池諸城人乾隆庚辰舉人官打箭

爐同知有錦江集

巴江九日

故國霜前菊今年又作花  
王程秋出塞歸夢昨還家  
流宕水三折蒼茫天一涯  
何人乘醉興風外弄清笳

秋夕送客

秋在蟲聲外臨歧翻自驚  
夢從今夕遠路向故鄉  
平巫峽猶飛浪青山欲送行  
寄書書不盡天末未休兵

曉起

缺月壓蒼莽長河垂杳冥  
露翻籬蔓白煙斷竹林青  
棲鳥驚枝散吟蛩近履停  
闌干橫北斗猶見兩三星

張眉大字紫宇號五渚湘鄉人  
乾隆庚辰舉人歷官儋州知州  
有滇南紀行詩鈔

中秋泛舟

中庭不滿弓常苦得月少出郭理輕艫流雲忽已掃平生  
未到處舴艋恣幽討綠延厯曲圮徑轉得層島老樹凝夕  
霏平沙橫荇藻推篷一展玩笑比城中好

待月宜在樓玩月宜在舟舟中一迴望有人樓上頭美人  
與客子共此一輪秋明蟾太皎潔脈脈各含愁笛聲起水  
湄涼颺動眠鷗蒼顏四五人輒語不能休

解纜尙徘徊放溜舟自發微嫌江水急煙樹失倉卒周遭  
石砭旁淫淫動浮沫草根風露重一路秋蟲咽遙望郭外  
樹頓覺山城闊波間星瑣碎樹隙燈明滅弭節風吹衣歸  
踏街心月譙樓秋點長情歌猶未歇

張五典字敘百涇陽人乾隆庚辰舉人官攸縣知縣有

荷塘詩集

楊子安日敘百天性蒞至素無間於家庭故視民如赤子而於詩之豈弟樂只穆如清風者往往不期而合

答齊次風先生

仙翁家天台石梁作飛渡俯看人間世風煙萬壑注快作  
瀛洲談流傳金石賦道書續祕牒藝林重掌故偶輟谷口  
耕來踏江東路相逢湖海上論衡乞談助揮塵通往復拈  
筆隨例疏我國方隅見記憶少脫誤昆明飛石鯨甘泉雕  
玉樹讌游罷曲江陂陀鑿杜固山川初無改今古亦旦暮  
慙稱懸河口奉補水經注

南岡

南岡何高高上有郭生墓苔蘚沒斷碑已失雙柏樹袴褶

徑相遺早知形骸寓未愁處仲忍危詞藉一悟可憐石頭  
城近逼南街路錢鳳爾何人卻起死已暮獨歎青囊書何  
如爾雅注善易不言易學人守其故

段玉裁字懋堂金壇人乾隆庚辰舉人官巫山知縣

詩話懋堂經學小學一代大家詞章非所置意然如  
灘聲不厭喧終古山色從來媚夕暉之句專家詩人  
所不易得也

登雅州城樓

雉堞嵯峨矗素髮登臨豪興百寮分灘聲不厭喧終古山  
色從來媚夕暉洛沫異源同赴海蔡蒙高處獨干雲聖朝  
聲教原無外偶爲籌邊誓六軍

飛越峯高木葉聲從軍歲晚不勝情但知牧圉勤羈縻敢  
道潺湲可濯纓落落長松樛堞霓離離幽草入新晴卻愁



一片城頭月西照關山此夜營

秦武域字紫峯曲沃人乾隆庚辰舉人官兩當知縣有

笑竹集

詩話紫峯自謂於五古宗陳思七古七律宗杜陵惟五律與絕句則出入於六朝三唐無常師也其自負甚高實則其擬古及五言古詩頗質淡無浮藻七古磊落有致而時有率筆近體多佳製亦微病淺易

寄巴陵楊明府乞君山茶次東坡和蔣夔寄茶韻

人生飲啄無非緣百年遇合隨所便粗糲腐儒飽卽可誰能水陸窮芳鮮獨憐有好漸成癖嫩蕊活火烹新泉日鑄鄭宅昔曾試碧甌玉乳浮花圓一自買舟下南楚便如渴鯨思吸川二月雷動蓓蕾結家家摘取當新筵岳州黃翎品最上邕湖注目遙生涎幾葉潤喉破煩悶陋他蠟面膏須研巴陵神君治第一君山貢物如當年揀選金芽獻天

子王公次及誰能先而我獨爲乞少許但搜拙句無須錢  
慙慙煩君倒篋筍白絹三道斜封纏寄到山家百拜受肯  
付稚子薑鹽煎江上清風朗月夜七盃嘯傲凌前賢陸羽  
盧仝今已矣後之來者誰媿妍詩成亟寫博君笑珍重他  
日還相鑄

春郊

春色憐羈思芳郊望欲迷草連村向背泉東路東西映柳  
圍鶯坐飛花散馬蹏爲尋酒家去買醉好留題

秦州詠古

杜甫詠詩南郭寺于今老樹鬱蒼蒼天風欲下聞龍吼殿  
霧初開看鶴翔異代游人常護惜歲寒山色不淒涼品題  
終賴空庭句感歎安能汝壽長

晚泊渝州江北

峽石嶺松過眼青  
九龍灘下泊沙汀  
帆檣二水連天霧  
燈火三山匝地星  
巴子國開千載險  
豐年碑在萬家甯

圓經

碑在江岸每木落碑出則年豐謂之  
雍熙碑康熙四十八年二月此碑見

爲思蜀漢興亡事把  
酒臨風獨凭船

伏羌城北春眺

水村山郭盡煙霞  
萬樹桃花罨柳花  
燕子不須頻顧語  
一川春色在天涯

競秀亭

我生不得漢嘉守也  
作凌雲載酒游  
依檻揮杯爲一嘯  
峨眉天半白雲浮

申兆定字繩齋號鐵蟾陽曲人  
乾隆庚辰舉人官衡陽

知縣

詩話繩齋幼隨父宦游流寓南服善詩歌工八分篆籀能刻畫金石嘗幸朝邑搜求秦漢瓦當有未備者假諸友用古塼仿刻其字毫髮逼真著有涵真閣漢碑文字跋秦漢瓦當圖說官衡陽時與吳山趙魯菴江都李雨村及同縣折霽山諸人結冷香亭社郵筒往來唱酬極一時之盛中年忽慕神仙得迷罔之疾終以

無題

聖粉圍牆罨畫樓  
隔窗聞撥細篔簹  
分無信使通青鳥  
枉遣游人駐紫騮  
月姊定應隨顧兔  
星娥可止待牽牛  
垂楊疏處簾櫳近  
只恨珠簾不下鉤

孫理字此堂長沙人乾隆庚辰舉人歷官山東嘉祥知縣有柳簡堂存稟

詩話此堂在官清介既罷歸仍爲村塾師以脩脯自給詩意境幽靜風調諧適其高處淵源於漢魏

去嘉祥作

官貧囊裝輕僕夫候旦發推挽出南城曠然眼界豁如彼  
拚飛鳥飲啄焚籠脫清明景氣和原草青青茁驅車卽往  
路迴首忽如失遲遲閭閻歷歷憶前日川原早潦憂經  
營志未畢尸素愧清時字人有何術

雙槐軒

我來何所事日卧雙槐間槐顛羣鴉噪日夕望巢還幽獨  
易生感況復西風寒芳園漸搖落鳴蟲淒夜闌仰視天邊  
月三五正團團明月幾回圓歸思逸雲端遙憐兒女憶望  
月起長歎

道州

九峯霄漢上蒼翠總堪疑古木重華墓秋風二女祠流傳

蹤跡幻歌哭性情移極目江山近蒼梧日暮時

涑水秋夜

鄉關歸夢遠庭樹晚涼新久旅驚秋月長貧累故人移鏡  
飢鼠避入戶語蟲親燕趙悲歌地從來感慨頻

臨邑晚眺

晚照晴開萬井煙凭高秋意滿山川催寒砧杵連村落截  
兩虹霓挂海天南國蒼茫茫遠望西風搖落感流年灤源  
兩度吟黃葉又聽犁城八月蟬

城樓晚眺

城上樓虛夕照平荒郊搖落客心驚林間風咽蟬聲老塞  
外雲扶雁羽輕浮世自來迷蟻穴故鄉今已訂鷗盟高空  
誰伴孤吟興羈望徒傷萬里情

祝詰字明甫秀水人乾隆庚辰舉人有西澗詩鈔

詩話明甫爲豫堂典籍子與葦石侍郎子百泉編修世錫穀原比部子秋臚大令復迭相唱和明甫詩鑿刻幽秀絕深鑿險無一習見語擾其筆端尤工體物之作秀水詩派源出西江而變其面目諸子皆能世其家業固不獨竹垞有西澗也

舟過金粟寺

畫圖影裏放船行  
雨過村村嘯亂鶯  
港口忽迷高柳卧  
山腰欲截嫩雲生  
粥魚敲破十年夢  
詩篋吟殘三月程  
爲問老僧仍種菊  
重來應許摘秋英

謁林和靖墓卽用集中和運使陳學士游靈隱寺寓

懷韻

裏湖靜不波  
雲覆湖半陰  
槳牙萍面畫  
載酒復攜琴  
先生舊隱處  
孤嶼恆幽沈  
艤岸上苔磴  
好風飄我襟  
翠叢識芳

躑石泉明素心梅妻鶴爲子廿載隨嘯吟時或李薛借煙  
景供登臨胸懷旣蕩滌那復塵慮侵乃知冥冥鴻迥異樊  
中禽低徊誦遺稟託意何遐深安得大癡哥鐵笛吹空林  
一聲破天碧晚峯排千尋

黃子久自號大癡哥  
常於孤山吹鐵笛

過花溪宿葆光居

路僻天寒可耐尋羨君處所宛山林溪迴風雨舟難穩夜  
聚親朋酒易深老屋巋然思舊業流光駛甚抱衰心牡丹  
倖獲根株在還望春來繞砌吟

無錫道中

行客江湖遠悠悠一葉船窳煙風外直塔影水中圓不見  
村酤味其如暮雪天漪瀾堂好在留詠惠山顛

佟家園醉後題壁



竟日籃輿款竹扉，漢陰抱甕本忘機。  
刺梅徑窄黃蜂亂，布穀村深綠樹圍。  
首夏風光扶病出，丈人雞黍賣花歸。  
酒酣祇怪蛙聲聒，一片鄉愁黯落暉。

夏夜獨坐

白馬黃衫懶送迎，檀槽子夜漫多情。  
野風菡萏難留夢，溝水蝦蟆只亂更。  
入世頭顱嗟此日，尋山屐齒負平生。  
誰家河朔成高會，碧落參旗醉後橫。

送從弟東毓南歸

一夢天涯乳燕飛，粥魚茶板靜相依。  
春官三策真投閣，潞水千帆恰羨歸。  
負郭有田高卧穩，出門多病寄書稀。  
南風吹得家山綠，雙淚因君溼到衣。

雷雨連日愁卧作歌與厚石

昨雨我不出今雨客不來關門聽雨夜復晝瓦溝激溜牆  
殷雷從橫淫潦沒階砌蓊鬱梵宇青蒿萊江湖有興不可  
卽枕簟那得窗北開君居菜園靜我居米市雜我欲攜鷓  
夷醉眠就君榻高城風斷遠飲虹霽月嬋娟倚闥闔徘徊  
咫尺阻相見蹇衛何堪爛泥踏頽然坐卧憂萬端腳故不  
韉頭不冠君雖得第仍冷官硯凹筆秃杯常乾平生讀易  
識損益一囊之粟妻孥歡季氏對飲真渴驥羣兒繞座如  
翔鸞世間榮責任趨附糞土蛻螂孰同顧但愁秉燭虛夜  
游庭下百蟲警秋露他鄉會合豈能久明日陰晴問歧路

村舍

土垣竹舍愜幽尋社後風光壓晝陰積雨市堆山筍賤衝  
煙人入菜花深偶然薄飯過鄰叟頗耐清眠聽野禽彷彿

鹿門偕隱處卜居何日遂初心

和菽原綠溪莊看海棠兼懷依雲陝右

健者去騷壇聞金不聞鼓

謂百泉之邢江秋勝之廬江

君復動餘興化

暈貓睛午雉誦海棠詩懷人遠郭杜循職不負丞拯恤樂  
比戶秦關柳依依百斛葡萄醕締好本朱陳婚嫁遲兒女  
昨過道南宅香霧文窗照新綠亞竹梢舊巢識燕侶手栽  
尺已丈開落廿年數棄去傳舍如根觸鶉鳩苦千絲萬絲  
縈昨日今日嫵幸託謝庭芳枝繁映簪組子弟蘭玉珍雅  
材一百五無忘角弓篇嘉樹厚陪土

王奇土字法菴壺關人乾隆庚辰舉人有東厓詩草

秋夜

露冷棲鴉寂風高候雁鳴那堪多病客復此遇秋聲急水

喧汾漲寒礎靜霍城情深荒暑月猶作故鄉明

郝仲成字次昌壽陽人乾隆庚辰舉人有匏屋詩橐

南山聽吳用山先生彈琴

吳子彈琴處蕭然山水深松聲下虛閣石榴鳴空林落落  
動幽指寥寥聞古音曲終無一語夕日散寒陰

晚眺

涼風驚我袂翹首一開顏夕日上高柳晴雲飛遠山鳥歸  
林葉定村靜犬聲閒誰向寥空外輕描月一彎

夜

斜月明深池流螢下高樹獨夜澹無言幽花滴香露

芮熊占字飛菴寶坻人乾隆庚辰副貢有蕉亭閒詠

朱竹君曰余從劉對廷秀才端明讀寶坻三子詩一  
爲芮飛菴秀才其一對廷之兄少穆上舍端宸也少

穆句有日無情最是南朝燕雨見桃花不寄書誦之  
琅然得風人之旨而飛菴之作尤健故能自出己意  
詩話飛菴爲李樸園光庭外舅樸園述歷城徐礪山  
定邪評蕉亭詩云抒寫性靈發響天籟出入於香山  
放翁之間而獨得真趣王子歲歸道山四十餘年嗣  
孫照檢存遺稟不過十之一耳斷句如月因邊地冷  
花是故鄉肥夢因貧更幻愁與夜俱長論境自輪人  
有樂寬心誰禁我忘憂灌花階下雲移影鋤草池邊  
鳥喚聲論文老豈無談笑宴客貧  
猶有酒漿張南山詩人徵略采之

盤山雙峯寺

對立雙峯插碧天中分一徑透蒼煙南山日照千林迴北  
谷風號萬壑連地隔寒暄難紀歲僧無甲子不知年我來  
靜室驚幽客入座同參柏子禪

自林亭乘舟至小盤

林亭曉起駕輕舟一葉飄飄任所遊日湧蒼波紅似洗無  
邊煙景望中收

蘆荻花飛木葉乾小盤孤露水中看  
村田收歎魚應足  
架扳罾兩釣竿

河北廢寺

數尺荒沙沒短垣半彎秋水抱禪門  
空林葉落牛羊牧曲徑苔深鳥雀喧  
縣鐸僅存清響寂斷碑難認暮煙昏  
參天剩有孤松在萬斛洪濤瀉古原

和劉景師靜中吟

笑我非利錐難向囊中處碌碌以終身  
豈復有快覩靜裏愛逃禪蕭齋如淨土  
未雪神先寒盛夏不知暑所幸無是非  
鮮受外人侮啟戶納明月垂簾聽杜宇  
勸酒坐間花催詩頭上雨卻老興悠悠  
忘愁意栩栩讀君靜中吟同調信吾與

晚晴移詩匯卷八十九終